

四庫全書

子部

欽定四庫全書

子部
通雅卷四十二

詳校官中書臣朱文翰

員外郎臣牛稔文履勘

總校官降調編修臣倉聖脉

校對官中書臣高 中

謄錄監生臣張士琛

欽定四庫全書

通雅卷四十一

明方以智撰

植物

凡稱幽蘭即黃山谷之所名蘭華也凡稱蘭蒞之蘭即
今省頭香 楚辭注蘭為都梁香與澤蘭似澤蘭又名
虎蘭龍棗虎蒲或曰澤蘭即省頭香陶隱居云澤蘭名
都梁可浴吳普曰水香楚望曰都梁之合為蘭今綱目
曰生水旁紫莖赤節高四五尺綠葉光潤纖長有歧葉

陰小紫五六月華紅白而香曰燕尾香詩所云秉蘭也
澤蘭纖微有毛方莖荊州記都梁山水生蘭即今或
岡州陶蕪以下皆無定識也圖經以為蘭生水傍澤蘭
生水澤中及下濕地為異朱子曰今蘭雖香而不可佩
離騷紉秋蘭為佩當是都梁合溪曰騷多託辭然蘭固
古人所佩服容臭者智謂從前溺于牽引攷亭以山蘭
春華不知其四時華也九歌春蘭秋菊可以不泥秋矣
首插袖懷皆佩豈必末之入於纓乃為容臭佩邪譜曰

春蘭葉細夏蘭葉細而長秋蘭葉大而澤冬蘭葉差大
葉皆不冬凋春蘭一幹一華夏秋冬蘭皆一幹十數華
山蘭瘠而小建蘭肥而大閩廣處皆多丫蘭最貴華莖
生岐枝也廬山幽蘭亦有一幹十數者但葉狹耳其類
稱蘭者挂蘭連根掛活一名不死艸馬蘭生水澤傍似
澤蘭而氣臭味辛主破血鄭玄注鬱金似蘭蘿摩雀瓢
亦名芄蘭瞿麥名大蘭狼牙曰支蘭石斛山梔皆曰林
蘭石葦曰石蘭白芎蒲曰溪蓀弘景以為蘭蓀蒲蘆曰

野蘭白茅曰蘭根麥冬曰珍珠蘭蘭固芳艸之通名也
東璧引漢書蘭以香自燒按龔勝傳薰以香自燒凡可
燒者曰薰寧專指蕙邪內經言治之以蘭所謂都梁香
正今之省頭香也大抵入藥當如綱目所說若稱幽蘭
在深谷不以無人而不芳左傳曰蘭有國香豈有非今
之蘭花者乎夫曰國香矣曾謂此省頭艸而當之哉
蕙則薰也 本艸麻葉方莖赤花黑實陳藏器曰即零
陵香也今平樂府昭平有之編之為薦黃魯直曰一幹

一花者蘭一幹數花者蕙如魯直說則夏秋冬之蘭皆蕙矣蘭蒞之蕙各別山谷強安以名王洙曰藿香為蕙艸亦泥

木生者曰木蘭又名林蘭杜蘭非元美所謂玉蘭也

木蘭皮似桂而香生零陵及泰山圖經曰昭州生與桂同取中肉為桂心蓋桂中之一種耳湖嶺蜀所生木高數丈葉有三道縱文皮如板桂有縱橫文香味劣于桂任昉述異記云木蘭在尋陽江中有魯班刺木蘭舟今

黃陂有木蘭山相傳木蘭將軍墓此郭外西寺唐時舊
有大木蘭蘄州舊屬尋陽也說文欒木似欄而無欄類
篇欄桂類南方魚子蘭樹似桂冬不凋花如細子香于
蘭有木本艸本嶺北呼賽蘭廣有高數丈者或曰是欄
桂取花同牙香曝收曰蘭熏黃熟以魚子蘭黏物香不
散也王元美以木蘭為玉蘭揚雄所謂辛雉相如之流
移也白曰玉蘭外紫者曰辛夷時珍引白樂天集廣心
樹曰木蓮四月華似蓮此真木蘭智按段成式續集木

蓮出忠州鳴玉溪及邛州葉似辛夷花似蓮花魏王花
木志有木蓮狀亦如之老學菴筆記載樂天忠州木蓮
詩序云予遊臨邛白鶴山寺佛殿前兩株高數丈葉如
桂中夏花發如芙蓉香亦酷似花折時有聲周益公益
部方物略記木蓮贊曰葩秀木顛狀若芙蓉不實而榮
馥馥其敷狀之甚明須知蓮蘭古聲通轉

石龍芻莞之長者可席者也莞燈心艸也苘席其細者
也草續斷龍珠龍鬚方賓蜀本以為一山海經賈起

之山艸多龍修郭曰龍須也鄭緝之東陽紀仙姥巖下

盡出龍須春官駝車翟蔽翟即翟音丸細葦席也尚書敷

重豐席莞席筍席弱也史游急就篇蒲弱蘭席王肅曰

底席青蒲席鄭玄又云蔑纖致席智謂筍席乃竹席儀

禮注所謂桃枝席也齊書三齊苳席蓋細蒲艸席也詩

曰下莞上簟莞古丸切蒲莖中虛白者今燈草席也爾

雅莞苳離葦鼠莞釋曰鼠莞纖細似龍頰師古曰夫離

也今謂蔥蒲別作菴戴氏謂莞即燈心草是也今見肇

慶之龍蹠席則與燈艸有別矣一類而尤細也

燕支今作胭脂古通焉支關氏燕脂字書因作檉枝脂
雲麓漫抄曰清微子服飾變古錄云燕脂糾製以
紅藍賜宮人號桃花粉崔豹云燕支葉似蘓花似蒲出
西方土人以染名燕支中國亦有紅藍西河舊事云失
我焉支山使我婦女無顏色北方有焉支山山多紅藍
北人采其花染緋取其英鮮者作燕脂故單于妻號曰
關氏音焉支字書遂作檉枝元志有鷹房臘脂人戶總

管習鑿齒與燕王書作烟支泰之引作煙脂升菴引王
予可詩作胭脂周紫芝竹坡詩話不曉白樂天何以用

燕支二字疎矣舊言染紅者三物茜

干去聲

蔓艸葉似棗

而銳對生節間根紫色可染絳通作儻鄭玄曰齊人謂
蒨為靺甌人謂鱗曰刺詩茹蘆在阪又曰縞衣茹蘆爾
雅曰茹蘆茅蒐陸璣曰一名地血齊人謂茜徐謂牛蔓
紅藍花者夏花花下作毬彙多刺花蕊出毬上圃人承
露采之至冬毬中結實白顆如小豆其花暴乾以染真

紅及作胭脂一名黃藍博物志云張騫所得也今洋船多販紅花至廣則知博物志之言驗矣疑耀引唐睿宗代國長公主作烟支棄子于堦後乃叢生是則非艸此

曲說也紫草者所謂紫丹紫芙

哀老切

圖經引爾雅藐

音莫

廣雅謂之茈蒨苗似蘭莖赤節青二月花紫白色妄引紅花為茹蘆則誤矣智又恠本艸於紫草既引爾雅之藐而柴胡又引藐茈艸唐本注云茈是古柴字竟作茈胡又證以相如之茈薑且云此根亦紫色不亦誣乎又

有訛籬晉傳咸劾令史新立訛籬此當讀為柴籬此訛
柴通借證也智按貨殖傳千畝卮茜徐廣曰卮今鮮支
也茜一名紅藍乃知今之紅花古亦稱茜而今又有烏
紅用蘓木染成者洋貨以紫鉞染成者曰胡胭脂俗呼
紫梗洋貨有紫梗錦紫鉞出真臘國樹汁近刻雜俎作
紫鉞誤矣是染紅者凡五物

蘿摩即羊婆奶白環藤也 詩芄蘭之枝胡官切爾雅
曰芄芄蘭說文曰莞也陸璣曰芄蘭一名蘿摩幽州謂

之雀瓢本艸曰蘿摩似女青諺云去家千里勿食蘿摩
枸杞蕪恭曰大如棗禹錫引景純注曰藿芄蔓生斷之
有白汁可啖如此注則藿芄一名藺或傳誤也大約藿
與芄皆澤艸音近相誤白芷一名莞一名苻離寧將合
而為一乎爾雅注疏及廣埤璣說文本艸牽引多混

蘄即芹當歸芎藭皆有蘄名 本艸曰芎藭一名蘄蒞
苗曰麋蕪左傳曰有山鞠窮長卿賦作穹窮說文作營
窮荀子謂蘭槐之根是為芷蘭槐離騷所謂蘭茝也苗

為蘭菹根為芷也白芷一名菹

芷采二音

芷又載蕞莞澤芬

諸名九歌曰辛夷楣兮葯房王逸注葯白芷也淮南子曰亂人若芎藭之于藁本蛇床之于麋蕪芷菹麋離各為一物自爾雅斬菹麋蕪並言然後紛淆說文曰麋蕪楚謂之離齊謂之菹晉謂之蕞故又曰江離麋蕪也爾雅曰莞苻離其上蒿乃謂莞席本艸但見苻離之名略與離同遂又并之芷下誤矣苻渠巾切古作斬水艸也麋蕪似苻故有斬菹之名當歸似斬而粗大廣雅曰山

蘄當歸也當歸亦有蘄名豈可直以當歸芎藭為芹乎
周禮芹菹兔醢爾雅芹楚葵是也又有薜山蘄芟牛蘄
薜白蘄詎能一之芹名水英有兩種白赤別有馬芹馬
芹即牛蘄也今陸地亦生芹可啖得非所謂查芹回芹
乎

屠蘇潤葉艸也因為屋名為冠名為飲名 蕭子雲雪
賦曰韜罩愚之飛棟沒屠蘇之高影杜子美冷淘詩曰
願憑金駮裏走置錦屠蘇菴也廣雅曰屠蘇平屋也魏

略云李勝為河南太守郡廳事前屠蕪壞應璩與韋仲將書屠蘇發撤升菴云孫思邈有屠蕪酒方蓋取菴以名故元日有屠蘇飲又大冠亦曰屠蕪禮曰童子憤無屋凡冠有屋者曰屠蘇晉元康中商人著大郭諺曰屠蘇障日覆兩耳曾見喝兒作天子詩話補遺曰周王褒詩繡桷畫屠蘇屠蘇艸也畫于屋上因以名屋遂作屠蘇智謂解定畫於屋上以取名亦非蓋潤葉艸也今廣西徭人中呼大葉似蒿者為頭蘇頭屠音近正因其有

蔭而名屋也紫者曰紫蘇荏苳曰白蘇水蘇曰雞蘇荊曰
假蘇積雪艸曰海蘇石香薷曰石蘇蘇亦辛艸之總名
游宦紀聞曰三山亦呼茨菰葉為大蘇趙彥衛雲麓漫
抄屠蘇千金方又云敷于散則知敷于之音轉為屠蘇
姑記其說

天棘天釁冬也 王仲正言老杜詩江蓮搖白羽天棘
蔓青絲高秀實曰天棘天門冬冷齋曰天門冬一名顛
棘非天棘也王元之詩水芝卧玉腕天棘舞金絲智所

見天門冬幹如指大枝弱下垂葉細似胡蘆脆南人庭種而架之苗可茹則蔓青絲正是天門冬今綱目亦增天棘萬歲藤抱朴子曰天冬在東岳曰淫羊藿西岳曰管松北岳曰無不愈南岳曰百部其治肺者以根多又一百部也艸茂為蘖省為門耳徐渭以天棘為檉柳則漁仲說也或同名耳

曰蔚曰繁曰艾曰蕭曰賴曰茵陳曰夏枯艸九牛艸皆蒿類也因塵即茵陳 張揖吳普並作因塵藏器曰此

蒿類冬不死更因舊苗生故名因陳今考之冬亦枯槁
但後于諸蒿耳繁之醜秋為蒿言至秋而老通呼為蒿
也張揖謂白蒿為繁母即此意茵陳背白者也菁菁者
莪為莪蒿即蘆蒿嫩時可啖以結角曰角蒿也采繁為
皤蒿即本艸白蒿今所食蓬蒿也鹿食為青蒿葉背面
皆青所謂狐蒿所謂葍即今艸蒿也匪莪伊蔚為牡蒿
即齊頭蒿也芫蔚臭甚曰馬矢蒿訛為馬先蒿又訛為
馬新蒿者也萋蒿即蒿萋一名購生於湖地者也在水

者曰游湖即爾雅之繁由胡郭云未詳者也艾葉按之成絨者也葉如艾其背有白毛者九牛艸也廣中亦產之陳嘉謨以九牛艸為蘄艾或別有所見邪盧氏雜說云唐文宗言革非賴蕭鄭漁仲以革為萋蒿豈附會文宗邪元美以萋蒿為賴蒿則更牽強王遵巖譏陸佃取安石說以鹿食之革不從鄭箋而從爾雅則水草豈鹿食邪此遵巖未全讀爾雅爾雅有萍又有革鄭玄郭璞以革為賴蒿皆本爾雅也

存中以苦耽為酸漿升菴以燈籠草為酸漿酸漿葳也
東壁合之曰龍葵酸漿一類二種也酸漿苦蕪一種
二物也大為酸漿小者苦蕪若敗醬一名苦蕪與此異
佛耳草一名茸母即鼠耳或曰米麴爾雅之藤藪也佛
耳治寒咳嗽燈籠治熱咳嗽酸漿亦治熱故升菴合之
茹艸編曰佛耳艸即巖慈頭三月采食酸漿艸即蟠蟻
青二三月炒食燈籠艸結果曰紅姑娘乃紅瓜囊之訛
押不盧蓋活鹿艸之類也 華佗以酒服麻沸散剖破

治病然後縫腹膏磨此事太奇餘冬序錄載活鹿草事
北史西域傳說般國真君九季遣使送幻人能割喉碎
首血出數升以草藥灌之須臾血止養瘡復常無痕癩
時取死罪囚試之驗云中國諸名山皆有此草周密癸
辛雜志云回回國有藥名押不盧者土人采之磨酒飲
則麻痺而死至三日別以少許投之即活御院中亦儲
之世有傳百日丹者方輿勝略默德那國有押不盧藥
異域志木蘭皮國胡羊尾大如扇春剖腹取膏再縫而

活華佗之術出乎此郎仁寶言曼佗羅花為末飲人醉
死始信蒙汗藥有之東璧言山茄花作酒飲之昏昏割
瘡針灸可先服之則不甚毒或如香紅散迷人則莨菪
雲實類

透山根黃治之草也 土宿真君萬畢術岫嶼神書多
言黃治嘗云石茵陳能伏硃鉤笑即苦笑地胆艸入爐
火用紫背天葵煮八石拒火烏頭奚毒伏丹砂砒石紫
蝴蝶煑雄黃雌黃伏丹砂能拒火羊躑躅伏丹砂砒雌

黃觀音蓮一名海芋一名隔河仙可變金煨砂五毒草
即赤地利伏丹砂羊蹄菜蓄禿菜也葉可擦鑰其子可
制鉛汞金星艸即石葦紫背金盤亦制汞至透山根則
岫巖神書所稱點鐵成金者也吳普言唐本艸菜部水
堇言其苗也本經石龍芮言其子也水堇俗稱蝴蝶菜
金英艸之類透山根潛山出之生長于此未見識者與
為劉子政樂得為范文正

蕒澤瀉也

詩言采其蕒

音續

爾雅蕒牛唇毛氏曰水蕒

陸璣曰今澤瀉也本艸又以菡萏為澤瀉

莎香附也臺夫須山莎也夏小正曰蒿者莎隋媿者

其實爾雅蒿侯莎

音梭

其實媿說文曰莎鎬侯本艸一名

水香稜葉如三稜根名香附子三稜即上林賦蔣茅青

蘋之茅也香附苗似細蘭艸青蘋似莎而大相如用薛

顧野王曰莎也江表傳曰魏文帝遣使于吳求雀頭香

東壁謂即香附子智以淮南隴西皆產莎艸魏何求于

吳邪本艸又以夫須為香附此因郭注夫須為莎耳爾

雅既云蒿侯莎又曰臺夫須必二種矣蒿是蘋薛臺可為笠夫所須也纂文云臺即山莎名蓑衣艸謂垂石上如蓑非謂作襜褕也鄭氏因臺笠而曰臺皮為笠則莎豈可作笠韋昭曰茅蒲菴笠也茅或作萌言荀籜也今笠亦用箬葉說文所謂箬箬也夾漈以臺夫須即雲臺菜鄭氏曰臺夫須是猴薑根上有籜如枯葉可作笠姑存其說

昌羊謂之茆一曰堯韭 淮南曰昌羊云蚤蝨而耒蛉

窮即昌蒲也呂覽菖蒲名堯韭筆乘引唐詩澗有堯時
韭山餘禹日糧以為工智按說文芾音昂昌蒲也菲芾菲
也蓀香艸也不言昌蒲本艸止載蓀為菖蒲而未載芾
名趙宦光以菲為椰子非矣

海藤花曰藤黃 郭文恭廣志曰蕊散落石上收之曰
沙黃就樹采之謂之臈艸酸澁有毒主虫牙蛙齒點之
便落今所呼銅黃謬矣銅藤語訛也按此與石淚采之
無異畫家丹竈家用之或指用蛇黃誤矣今畫家用者

乃煎成之物洪洲載暹羅貢藤竭藤黃

芪母即萁母今之知母也 說文有芪芪母又有萁艸

名玉篇萁母即知母藥艸也明是一字而徐氏別之

郭邢以華白者曰萁赤者曰萁茅博雅以為烏萁萁戴

侗以萁之萁即木通 詩曰言采其萁

福迫
二音

爾雅曰萁

富又曰萁蔓茅毛氏曰惡菜也鄭曰商陸也恐非陸璣

曰幽州謂之燕當其根白燒啖之可禦飢風土記曰萁

蔓生被樹而外實狀如牛角一枝數枚合溪曰其萁即

木通此正名通艸而俗所謂妝花之通艸乃通脫木也
活菴寇脫即通脫木也 爾雅曰離南活菴又曰倚商
活脫山海經名寇脫升山多寇脫郭璞云高丈許莖中
有瓢正白零陵植而日灌之以為樹漁仲曰可作首飾
俗呼通艸則自宋時已誤呼通脫木為通艸矣

薯蕷山藥與藟也薇紫鷓芋也 蕷通作預生苗蔓延

秋生實如鈴又名山藥一名修脆南中有一種根細如
指其皮紫者性冷名藟藟音殊味太甜山海經曰景山

北望小澤其艸多藹藹即薯蕷也類篇曰藹藹也蓋亦以藹與山藥為一物薯蕷音相通蓋薯為紫藹為白二物也益部方物記有紫鷓芋字書曰薇音止紫芋也零餘子薯蕷藤上之果也避唐代宗改為薯藥宋避英宗名改為山藥芋別名蹲鴟一作跋鴟大者曰芋魁見漢謠亦作芋渠馬融頌芝芡芋渠注芋魁也蓋渠魁相通

杜若即高良薑 補筆談曰杜若即今之高良姜後人

不識又別出高良薑條高良薑花或穗芳華可愛土人
用鹽梅汁淹以為菹南人亦謂山姜花又曰荳蔻花本
艸圖經云杜若苗似山姜花黃赤子赤色大如棘子中
似荳蔻出峽山嶺南北正是高良姜其子乃紅蔻也南
楚見人采高良姜乃似巴茆或高州有此種今虔州以
青皮樹為杜若葉冬不凋樹皮燒之香

薄荷或作萋蘭萋荷菴菴菴菴菴菴菴菴菴菴菴菴菴菴
良食性本艸作菴蘭揚雄甘泉賦攢并閭與菴菴菴菴菴
陳士

字林引作芙蓉孫思邈千金方作番荷參同契注作萼
蘭梅氏作萼蘭陳嘉謨作萼荷皆一物也蘇州者佳可
作茶飲俗呼新羅薄荷天寶單方所云連錢艸是也別
錄積雪草即府薄荷其曰龍腦薄荷者乃水蘇也陳嘉
謨蒙筌謂因蘇州府學地名智謂因溲律龍腦之香而
名宜興取薄荷霜足稱溲律之亞蘇頌言江南山茵陳
又名龍腦薄荷乃石香菜也則龍腦有三說矣朱先家
以菝葜為瑞艸乃抄孫愜愜抄玉篇耳

百靈艸護門草也 神農本經云常山有艸名神護置
之門下每夜吠人贊寧曰持呪種之盜不入門曰百靈
艸王筠寓直詩云霜被守宮槐風驚護門草曲陽記言
恒山有神艸十九種護門其一也漢避文諱稱常山
纏枝牡丹乃旋菑鼓子花之千葉者也 織錦腹畫箋
欄嘗作纏枝牡丹匠皆謂之旋花舊名旋菑今作旋覆
花即爾雅之覆盜庚也

席箕塞蘆也 庶物異名疏曰李賀塞上詩天遠席箕

愁劉會孟注席箕如箕踞升菴曰秦韜玉塞上曲云席
箕風緊馬斃豪此豈箕踞義乎終不知何物李大泌曰
席箕艸名出太平廣記斃音涎鄜氏謂即邊箕艸一名
邊箕柴智按段成式續集曰席箕一名塞蘆生北邊外
地

旨苔為翹饒非陵苔也 苔之華陵苔也即凌霄花好
生高阜元恪以鼠尾為陵苔誤矣旨苔則苔饒幽州人
謂之翹饒蔓生莖如勞豆而細葉如蒺藜而青可生食

如小豆藿好生下溼馮嗣宗以陵苔斲即蔓木上之女
歲而湛若曰染皂之勤鼠尾亦有陵翹之名是三物皆
名苔

濮氏以菽虵蚶為紫荊花郭氏以菽為荊葵鄭氏誤以
為蜀葵郭璞曰菽為荊葵菹為蜀葵漁仲總以菽菹
為蜀葵誤矣荊葵似戎葵而紫色稍小戎葵即蜀葵謝
氏曰花似五銖錢濮氏直以為紫荊花生幹上自根至
杪如蟻窠故爾雅名虵蚶俗曰大蟻此似有理

鬼目非一 郭璞爾雅符註江東有鬼目艸莖似葛葉
圓而毛如耳璫赤色叢生廣志曰鬼目似梅南人以下
酒愁含曰鬼目樹大者如木腰子小者如鴨子七月八
月熟色黃味酸以蜜煮之交趾諸郡有之吳孫皓時黃
狗家鬼目菜東觀按圖以為芝艸本艸白英子名鬼目
即排風子又羊蹄艸一名鬼目開山圖曰遼東襄平有
鬼目蛇魚守之似指芝菌類今湖南有鬼目艸人過則
粘衣江北呼為鬼指甲元美曰嘉靖間奸人王全以藥

傅巨木生芝成五色何必以鬼目為芝乎一曰鬼指甲
即爾雅之藟擊一名竊衣者也按今艸子粘衣者亦非
一種

狗尾之莠蔓非遠志之蔓繞也狗尾曰莠猶狼尾曰狼
也 詩四月莠蔓音天爾雅曰蔓繞棘菟廣雅曰棘菟遠

志也苗曰小艸似麻黃亦似大青劉向說此味苦苦蔓
一曰狗尾艸此相去甚遠蓋莠為狗尾艸孔子惡之豈
可以莠蔓而存兩可之說乎爾雅孟狼尾說文曰董節

或作粮如狼尾猶言狗尾也皆有實如黍號曰粮莠時以大小遲速分耳相如賦藏菖蕙葭戴氏謂即粮又載蘭蕩同一條非也

菖若一作蘭蕩 安祿山以菖若酒坑奚契丹一名橫唐一名行唐妖術用此迷人曰行唐酒是也倉公傳臣意飲以菖蕩

有兩夏枯艸 神農本經曰夕句曰乃東者所謂燕面鐵色夏枯艸也其節節生穗三四月花五月枯其莖內

有三稜子四粒者芫蔚益母艸也益母一名夏枯艸朱
震亨曰臭鬱艸即芫蔚有臭味夏枯艸不臭夏枯先枯
而無子鬱臭後枯而結子陳無功曰夏枯艸亦有細子
四粒丹溪云無子誤拾遺有鑿菜方莖對節白花此即
益母白花者爾雅曰葹紫花者爾雅曰蕒陸璣曰葹益
母也故曾子見之感恩

青箱之於雞冠當一類也 綱目分二條以青箱為艸
蒿為崑崙艸子亦名沒明非其也青箱雞冠一物但分

家雞冠野雞冠耳如鴈來紅余亦以為春不老也楓窻
小牘曰雞冠花汴中謂之洗手花中元節兒童唱賣以
供祖先

大苦黃藥也郭璞以為甘艸吾未信也 筆談曰爾雅
云藟大苦注甘艸也蔓延生葉似薄荷而青黃莖亦有
節節有枝相當此乃黃藥也其味極苦謂之大苦非甘
艸也甘艸一名路艸枝葉悉如槐高五六尺但葉端微
尖而糙澁似有白毛實作角生如相思角熟則角折子

如小匾豆極堅開實曰黃藥子一曰紅藥以根赤色乾則黃耳東璧曰人以入染藍甌中曰易變色四川苦藥子即黃藥子一名地不容解一切毒今說文甘艸作甘後山談叢曰諺曰甘艸生則麥熟苦艸生則黃蒿交趾甘草成樹東璧驚訝之此如閩越之木芙蓉數丈兩廣之茄不枯陝邊之枸杞合抱不足異也

鶴虱即豕首之實豕首豨簽一也 天蔓青訛為天名

精有玉門麥句薑劉愷活鹿地菘蟾蜍蘭諸名即爾雅

之葍藪豕首也沈存中曰人不識天名精又妄認地菘
為火藪本艸鶴虱出波斯者良蓋如苜蓿出西域而中
國飼馬皆是特前不知用耳本艸又出鶴虱一條今按
地菘即天名精其葉皺似菘鶴虱即其實也世間有單
服火藪法乃是服地菘耳不當服火藪火藪本艸名稀
小藪即是猪膏母後人不識亦重複出之智按爾雅注
疏地菘已屬天名精何至宋時存中始辨正之蘇頌曰
南人呼其花為火杓按火杓即豨薺存中云單服火藪

是服地菘言亦自庚今專用以去風濕成洩張詠皆表
進豨莖九天壇賣豨莖酒服之有驗智謂爾雅豕首注
云豨豕陶貞白曰天名精即今之豨莖時珍曰豨莖對
節稜莖有斑毛地菘不對節莖圓無稜無斑毛王少夫
曰豨莖皆識之天名精無識者東璧據所見之艸耳豨
莖去風有驗古名豕首必其常用者智按古通名而實
別

耳耳即耳耳非資菘莖也 舊以卷耳為蒼耳因爾雅

以為苓耳而郭璞以為藁耳亦云胡象仲恪故引耳中
璫一名爵耳漁仲云即今卷菜如連錢者若蒼耳但堪
入藥或詩所采別是一艸如芝栢地耳之類羅願云即
檀菜實如鼠耳多刺著人衣一名施即離騷之資葉施
一名羊負耒智按施乃卷旆草拔心不死者也倉頡篇
藁耳即藁耳說文務卷耳也

諸慮乃葛藟 圖經曰藟延木上葉如蒲萄而小四月
莖汁甘五月花七月實青黑微赤冬凋葉此葛藟也蘇

恭以千歲蘂為蔓與藤者非千歲蘂乃萬歲藤也蔓與藤乃野蒲筍別種也湛若曰諸慮即柘蘂古語如此

古稱鬱金香非藥中之鬱金今之鬱金皆蕉本也 楊孚南州異物志云鬱金出罽賓國色正黃似蓮花嫩裏者可以香酒唐書太宗時伽毘國獻鬱金香葉似麥冬九月花開狀如芙蓉色紫碧香聞數十步而不實此與鄭玄所說鬱金似蘭相合矣古文稱鬱金蘇合香左貴嬪鬱金頌大氏皆指此東壁分兩條是矣酒和鬱金昔

人言大秦國所產鄭漁中言是此物大秦國三代未通中國智謂此迂矣周公不製指南車以送外人邪安知非外人轉貢者邪一統志柳州羅城出鬱金香正古鬱林地也羅願爾雅翼云此根和酒令黃如金故謂之黃流此則藥中之鬱金矣薑黃名迷鬱金亦名迷東璧又曰鬱金薑黃迷藥三物蘇恭不能別乃為一物今蓬莪茂一作迷似薑黃但不黃耳廣中言鬱金似紅蕉本根即薑黃芎附即鬱金也形似蟬肚豈亦如淮南紅蒲根

之為三稜蒲萄梗之為木通邪

杭去水艸也又為木名 爾雅曰杭魚毒郭景純曰大木生南方皮厚汁赤堪藏卵果此說誤矣其生南方藏卵果者自別一杭木乃左思吳都賦所云鯨杭杙櫨者耳非毒魚之杭也杭名去水又名杜杭根名蜀桑今以堯字別

橐吾非款冬本艸以為一誤矣 傅咸款冬賦序言仲冬之月冰凌積雪款冬獨敷華艷則謂紅花者俗呼蜂

斗葉其黃白花當是橐吾今本艸綱目合橐吾顆凍為
一智按急就章曰半夏阜莢艾橐吾又曰款東貝母薑
狼牙師古注曰橐吾似款冬而腹有絲生陵地華黃色
一名獸須款東即款冬生水中花紫赤色一名兔奚分
言二物明甚今有花粘者粘肺害人可要辯

菴藺謂其可覆菴廬而名也 菴廬見皇甫規傳菴在
覃韻狀類蒿治腰痛長卿賦曰菴間軒于魏博士周元
明以推為菴藺韓詩及三蒼悉云推為克蔚克蔚益母

艸也又蔕茹苗似大戟而花淡黃淺紅無子根似來蔔
斷之汁出乾則凝黑又謂漆頭本艸漆頭與菴間兩載
之軒于猶猴薑曰石菴蔕即骨碎補

黃獨土卵也 黃山谷曰老杜詩黃獨無苗山雪盛黃

獨者芋魁小者耳江南名曰土卵兩川多食之而俗人
易曰黃精墨客揮犀冷齋夜話竝載此條按蘇恭辯赭
魁之說曰赭魁如斗蔓生葉似杜蘅陶所說乃土卵也
梁漢人食之名黃獨又名土豆土芋實非芋類須以灰

汁煮食之山谷以為葍子亦非潛谷以黃獨為山藥類
或曰麻姑僧掘食黃獨似蕻而團大色黃白

由跋虎掌天南星也 蘇頌言之甚明由跋是新根如
半夏者大者為虎掌或言江州一種葉大如掌面青背
紫四畔有牙三四葉為一本冬青不花實此名虎掌綱
目言根如星曰南星葉如虎掌故曰虎掌此非也南星
之葉不似虎掌

七葉一枝花即蚤休也 一莖六七葉似王孫鬼白菝

麻根如大菖蒲蒙筌詳之或曰帝休五衢亦是此類
野葛一名黃藤即鈎吻也 一名斷腸草一名火把花
言其紅也南方草木狀曰野葛一名胡蔓艸彼以毒人
不半日即死山羊食其苗即肥亦如鼠食巴豆也貞白
謂鈎吻似黃精因博物志之竝論也蘇恭謂黃精葉似
柳似竹及龍胆徐長卿紉堅鈎吻蔓生葉似柿藏器曰
鈎吻野葛也何子元曰有野葛之地必生薤菜以薤汁
滴野葛苗當時萎死薤今作薤有水薤陸薤魏武習啖

野葛以食蕪也

蕪麻即蕪麻 圖經有蕪麻一作毛蕪音爛李時珍曰
蕪字本作蕪杜子美有除蕪艸詩智按張子賢墨莊漫
錄曰川陝間有一種惡艸土人呼為蕪麻音瓚其枝葉
拂人肌肉即成瘡疱劉表延仲至蜀嘗見之今考葉有
毛芒觸人如蠱以人溺洗之可解也或又作蕪乃蕪之
訛以爛音瓚其土音耳宋子京益部方物記有燻麻瓚
芝曰茵者秀之轉也紫脫紫芝也 五芝皆可輕身延

季何名為茵郭云一歲三華故九歌曰采三秀兮于山
間三秀芝也秀轉而為茵耳禮斗威儀曰君乘木而王
政太平蔓竹紫脫為之長生齊民要術曰紫脫北方物
孫氏瑞應圖曰紫達王融曲水序紫脫華朱英秀文選
注瑞草也宋人進芝賀表用之

拒霜即木芙蓉斷腸艸亦名芙蓉花 古稱芙蓉為芙

蓉今岸生秋開者名木芙蓉函史云木芙蓉名拒霜花

菊亦名拒霜 一日三換色曰三醉刈之明季長輒七八尺智

見閩廣皆成大樹有大紅者西湖張幼青快雪堂前已
高二三丈矣葉最療瘡時珍以為枇相如賦作華此誤
矣賦用華楓枰櫨皆指大木而內地芙蓉皆艸本冬凋
者枇蓋指樺也唐詩紀事冷齋夜話皆云太白詩昔作
芙蓉花今為斷腸艸陶弘景仙方注斷腸艸不可食其
花名芙蓉花乃知詩人無一字閒話愚者曰太白冤哉
艸不妨同名詩人何心作注解邪

萱有三種 丹棘忘憂即詩諼艸因作萱風土記佩之

生男故曰宜男鹿別良艸而食之故曰鹿蔥丹家謂鹿
劍吳普謂伎女花晏元獻公謂鹿蔥花中有鹿斑文與
萱異開花亦不並時一種小而純黃曰金萱甚可食智
以皆鹿蔥因詩之諼而名萱一物有赤黃斑三種

灤貫衆即鳳尾艸 郭注灤貫衆引廣雅貫節一名貫
渠冬不死疏曰一名百頭虎卷篇附伯萍藥藻老鴟頭
鄭樵曰灤即鳳尾艸時珍曰一名黑狗脊按黑脊即猪
脊一名鳳尾葉似鳳尾竹幹如大猪鬣可治遺精者也

貫衆似蕨葉開張近小茅薑亦名鳳尾又金星艸一名鳳尾

白并婁婦即百部也 別錄曰白并一名王富主治與百部同推此即百部之轉聲日華子曰婁婦艸亦百部之轉其曰似小竹葉似天門冬古人不善狀物如鉤吻實蔓生似柿葉而乃云似黃精此類不少

通雅卷四十一

欽定四庫全書

通雅卷四十二

明方以智撰

植物

草

射干烏髮蓋二種也。烏扇烏吹烏蒲鳳翼兔扇扁竹
仙人掌紫金牛野萱花草薑黃遠時珍收為一物土宿
曰射干即今扁筑也。智按扁竹乃紫胡蝶苗似鹿蔥而
闊四月花六出紫碧色結房如拇指陳箴器引人所種
鳳翼而實之日華曰根如良薑蘇頌曰葉類薑薑狹長

張疎如翅則似碎骨補此或如荀子阮公所云好生高崖已與紫胡蝶草別矣當以鳶尾鳥翼鬼扇為一物扁竹野萱花為一物俱曰射干偶同名耳

鬼肉即蒟蒻也 英霍山中所食之鬼肉乃鬼芋也宋開寶號為蒟蒻根如天南星葉如由跋但多班點升菴潛谷以此為蒟蒻大誤矣灰汁同煮方成積粉以辛芼之霍山人言其性善走種者石壓之苗在園內根常在園外食之瓊盛灰水手磨右旋不得作聲恐手麻也其

梗如花蛇徽寧山中人至今呼蒟蒻別名蒟頭

雀芋大奚毒也 今兩廣最多苗大于芋根大如椀至

毒段成式云雀芋置乾地反濕濕地反乾飛鳥觸之墮

造酒家以此汁封甕頭曰奚頭成式又言建寧郡烏勾

山有牧靡草鳥誤食鳥喙毒必急食此草以解之此不

知何藥也按雀芋之類正與鬼臼獨腳蓮西番蓮相似

葉更大耳鬼臼亦有毒山谷所云唐婆鏡宋祁所云羞

天花東坡所云瑠田草漁仲所云八角盤也隔河仙可

變金即觀音蓮一名海芋羞天草綱目未敢決耳海芋
雀芋鬼芋鬼白蚤休蓋一類也

管芒也說文謂管即茅非矣苞蔗蒯屬也皆謂其穗之
芒弱也 管大于茅葉似茭草花白穗旆旆然而莖圓

直宜為帚其弱柔忍宜為屨白芒者柔忍不及黃芒八
九月花白而輕詩云漚管音間喪服管屨此也芒又作苙

爾雅苙杜榮郭璞曰苙似茅皮可為繩索屨屬說文謂
管即茅非也茅但可覆屋管宜飯牛茅不可食牛管根

赤茅根白也蘆苞也蒯屬可為履者左傳言無棄菅蒯
蒯篆作蒯類篇蒯芊即管蒯也喪服傳曰蘆蒯之菲曲
禮曰苞屨不入公門此皆謂草穗之芒弱也故覆盆之
苺亦通稱蘆今之稻稈亦可作屨俱取其柔忍耳苞蒯
竟為此類之總稱異物志香管則又一種伯厚詩異考
則並以秉簡為管蓋古聲借耳升菴管蔽又作管蕡管
匭蕡莢

萹茅握也 茅之初生曰萹今人食之謂之茅握凡初

生皆稱之易枯楊生梯康成注作萑蓋萑梯字通爾雅翼梯有尖而細孟子不如萑稗莊子枉第稗說文本作稗集韻或作稗稗又作第第一也大鮎本作鯈故子路稱鯈說文作鯈可知古人从第从夷之通

包茅菁茅 書曰包匭菁茅鄭玄曰菁茅有毛刺者括地志辰州瀘溪有包茅山或陽記山出包茅有刺而三脊今訛為巴茅兩廣湖南皆生之有刺其生江右江東者小而無刺但葉邊毛能割手耳又有仙茅其根大補

澤葵莓苔也卷栢陸苔也即長生不死草 蕪城賦澤

葵依井苔原作苔有臺遲二音總名莓苔今附土如小

松葉者澤葵類也其稍大者名長松入酒補人智又見

湖南有一種小草似松土人云置卧處則生離卷栢一

名豹芝乾之可收以水浸之即青翹滋茂故名不死草

廣中有不死草則挂蘭也又有石栢石松即所稱千季

栢萬季松也生石上長四五寸紫花

芝栢菌草也 在地曰芝在木而栢香者曰香草爾雅

中馗菌郭璞曰江東名土菌曰馗厨孫炎曰地草亦曰地雞獐頭草出閩粵北方有麇菰芋肚天花猴頭曰肉草韓退之言樹雞成式言猢猻眼即猴頭鍾山孝陵有松蛾雲南有雞坡或曰菌或曰草皆高脚繖頭也邊上有榆肉為最榆之瘦也共地耳也桑耳曰桑黃桑臣槐耳曰赤雞說文蕒而竟切木耳也一曰菴此內則芝栢徐作芝孺嵒當作菱宋陳仁玉作菌譜平西有斷椿榆構斧其皮久雨爛之以米潘沃之雷則出草矣不雷則大

斧擊之而草亦出

海藻曰海蘿一曰落首 鄧氏曰如蓬蒿者曰聚藻時
珍以爾雅之薄為海藻音覃舊以薄為莖藩為蜺母即
知母也南越志有品藻苔如品也

生水者陟釐生陸者鬼麗 生于水者青綠如髮海濱
之人多取裹而食之爾雅組似組綸似綸東海有之海
粉是也本草亦不能辯只附昆布海藻之條晉帝賜張
華側理紙千張王子季云即陟釐也一名水綿顧野王

起兵討侯景引兵來軍士無膳御甘露厨有乾苔分給
之注苔生于海其形似髮則海粉紫菜類也潭石衣一
名石髮即今石耳也張乘言髮生水底每月七八日可
採遲則爛蓋隨月盛衰者生水者曰陟釐生陸者曰烏
韭一名鬼鬚麗即麗以篆作楷故竒耳元美曰生海中
者曰紫萸生土牆上曰石馬駿生屋上曰屋游生屋陰
曰垣衣總曰垣羸曰昔邪草筆談曰崔融為瓦松賦不
知為木與草段成式咲之梁簡文詩依簷映昔邪成式

以昔邪為瓦松殊不知昔邪乃是垣衣瓦松自名昨葉
何草成式亦自不識元美以昔邪為總名諸君正不必
紛紛也陳無功曰瓦遊一名博衣晉唐裊入林慮食石
蓋亦屋遊之類蓋石上之苔也一名蒙頂茶一名石芥
新刻唐詩紀事載崔融瓦松賦慙魏宮之烏悲注云未
詳智按乃烏韭之訛又別錄麥冬一名烏韭

海蘊紫菜也海帶昆布之類也 綸似綸組似組正謂

海之二藻東璧曰昆布為綸布之轉以綸音關也石尊

即紫菜之帶綠色者龍鬚菜其細者大葉冬紫菜烘乾
下茶最佳

石花鹿角雞脚一物也 東璧分之其實一也石花有

紅白二色鹿角紫黃色稍粗似雞爪曰雞脚故鄧潛谷
止載為一郭璞海賦所謂玉珧海月土肉石花是也一

曰瑤枝

瓊花玉蕊山礬梔子升菴一之明瑞四之以山礬為七
里香則沈括所謂芸也曾慥以瑤名鄭花周必大言括

訛為瑒故戴侗以山礬為楸 筆叢曰用修孟浪合此
四種自洪容齋王勉夫俱失之惟葛立方韻語陽秋辯
析而麟折衷之瓊花者揚州后土觀中物世無別種者
也玉蕊者長安唐昌觀中物仙女折花赴玉峰之期者
也山礬者瑒花春開而魯直易名山礬者也梔子者夏
開六出蒼蔔也四者懸若天壤梔子染黃以子而山礬
染黃以葉二物迴殊玉蕊僅見唐昌及禁苑而瑒花紛
布野中易辯也智按周文益公有玉蕊辯證一冊慶元

二季作元瑞取此耳自二宋以瓊花為玉蕊劉原父和之晏元獻蘇文忠承之然失之未遠也洪景盧曾端伯蔡寬夫傅子容以山礬為玉蕊則失之頓遠然本之唐人偽帖也用脩直以山礬為梔子謬矣智按七修類稿以梔子即玉蕊改為山礬升菴採仁實之說也瓊花大而瓣厚色淡黃蕊與花平不結子聚八仙花小而瓣薄色微青葉有芒而結子判矣山礬俗名梔花木高數尺凌冬不凋花白未開時似木犀開時香穠號七里香有

千葉者元瑞又言瓊花植于唐榮于宋再榮于宋末一
揭于金再枯于元世無復種者智謂無種則已有種則
生生不已瓊玉皆稱詞相似則互稱之有一種小異移
地則變者無乃唐昌觀之玉蕊在揚州為瓊花邪余見
勛戚園植瓊枝亦呼瓊花似郁李三月開紅白二色豈
可謂此即揚州之瓊花豈可謂此斷不可名瓊花乎說
文曰芸似苜蓿杜陽編言芸出于闐國元載造芸輝堂
是也夢溪曰辟蠹用芸今七里香葉類豌豆叢生秋間

微白如粉汚辟蠹殊驗南人採置席下能去蚤虱王氏
談錄曰文丞相秦亭分遺種之家庭如苜蓿尤香此乃
牛芸爾雅所謂權黃華者東璧曰山礬有七里旋柘音鄭

場春桂諸名春桂曾慥說也周必大曰柘音南史之柘
故荆俗訛為鄭礬鄭又訛為場也合溪以柘即楸又作
柘五倍子名楸與山礬殊矣山谷曰江南野中旋花極
多野人採葉燒灰以染紫為黝不借礬成予因易其名
為山礬按外國之芸為木汁中國楓汁似之亦名芸香

辟蠹之芸則七里香也兩廣有九里香高丈而花白甚
香五六月開謝靈運以梔子大者曰林蘭劉禹錫咏為
越桃按周吉甫金陵瑣事曰人以梔子為蒼蔔非也鳳
臺門外白雲寺近牛首太監鄭強墓地傍有蒼蔔一叢
乃三寶太監西洋取來者花瓣似蓮而稍瘦外紫內淡
黃色嗅之辛辣觸鼻微有清香正佛經所云也此花今
不聞母亦后土觀之瓊花絕種乎佛書瞻博一作瞻蔔
黃色香花也訛作蒼蔔

古言芍藥即兼牡丹漢稱木芍藥此其證也 廣雅以芍藥為孽夷不知何據山海經條谷之章多芍藥洞庭之山多芍藥不知是本草所謂白木餘容否古琴疏帝相元季條谷貢桐芍藥帝命羿植桐于雲和命武羅伯植芍藥于後苑王立之詩話載揚子華北齊人有畫牡丹白樂天詩歸到江南無此花又唐人詩國色朝酣酒天香夜染衣文忠公花品序何得謂無人形篇什邪吳曾按古今注有草芍藥木芍藥安期生服鍊法有金芍

藥木芍藥木即牡丹溫庭筠詩山寺明媚木芍藥智按
王砥所引呂覽月令雷乃發聲下有芍藥榮田鼠化為
鴛下有牡丹華則周末已名牡丹矣歐陽既譜牡丹後
有李迷著慶厯花品凡四十三品宋又有丘寺丞藩作
牡丹志以姚黃為正魏紅為妃黃朝英言芍藥破血為
贈女握椒養陽為女贈何必如此解高似孫謂詩指木
芍藥丹皮女藥此亦一說韓詩曰離草也言將離贈此
草也馮嗣宗引古今注謂芍藥可離唐本草則云可離

江籬也子虛賦作勺藥韓退之郾城聯句用勺藥注文選四見皆音酌畧智按文選注言勺藥之和乃魚肉等物為醢故音酌畧豈可咏花而讀酌畧乎

華草並頭蓮也 援神契王者德至地則華草感注云並頭蓮韓詩秉簡注簡蓮也今人注簡為蘭蘭蓮音近誤也荷一作茄鏡歌食茄下西京賦注茄藕莖也古今注荷一名水芝衍義曰千葉者不實今禁中有碧蓮埤雅曰的中青為薏皆倒生兩牙一成芰荷一滿荷也又

生一牙為華按蕩即藕芰是菱此因舊楚詞注而附會也段成式曰蓮子曰湖目問竒廣芙蓉古作扶渠詩疏一作夫渠蓮花三出一層凡六層千葉者重臺

解若草決明也王逸許慎以為芰菱非矣 嬾真子曰

士人簡尺以解若易邂逅非也離騷芰荷王逸注芰菱也秦人作解若音皆苟僕仕關陝不聞此呼後讀爾雅解若芰光注芰明也或云凌關西謂解若僕謂芰光今草芰明初可為茹子治目疾其以解去垢穢名乎又爾

雅凌厥據注水中凌芰則凌自不亂薛若也然則古誤乎曰古者信傳信疑傳疑郭璞引騷承王逸之疑耳按爾雅薛若莢光郭注曰草決明也何待嬾真子辯邪今有馬蹄決明青菴子亦名草決明一種類苙芒子焮開澹黃花結角如豕豆長中有子此馬蹄也一種苙芒決明救荒本草所言小扁豆也稍小不晝開夜合皆入麴曰獨占豕升菴以芰為芡謬矣黃芪亦名芰草將曰菱芰邪解后通邂逅用若則誤

萍蘋蓴荇一類也。靡蘋田字草也。天問靡蘋九衢言
枝葉分為衢道也。鄧潛谷謂其有根而大蓋有二種生
湖中大田中者小所謂青蘋也。水中破銅錢曰白蘋。爾
雅萍萍其大者蘋。郭璞曰江東曰藻。說文曰蘋大萍。蓴
鳧葵蘇恭言萍三種中荇大蘋。此據爾雅本文。東璧何
得非之而專以破銅錢為蘋也。殆據吳普本草水廉乎
破銅錢名四葉菜。又呼十字草。湖塘田中皆生之。能醫
雞矇眼。拾遺陳藏器謂之茱菜。正是升菴卮言謂之田

字草又謂四葉菜為荇荇即荇也謂荇類耳倘所謂藻乎古人字嘗通用東璧以葉徑一二寸有一缺而圓如馬蹄者蓴也似蓴而稍尖長者荇也花黃白葉徑四五寸如小荷而結實如小角黍萍蓬草也即楚王萍實此不必然萍結實者名水粟水蓴荇菜韓詩作荇即鳧葵接余苻也江東謂之金蓮子今江北冬菡其根楚辭謂之屏風云紫莖屏風之綠波是矣蓴一名茆賈思勰以為純顏之推曰蔡朗父名純改為露葵或曰錦帶一呼

馬蹄草陸廣微曰靈巖池有莼即萑長者絲萑老曰葵
萑甚滑美入口即化無功引鮪躡草干寶謂即萑菜一
名水炙鹿食之革則蒿也萑茆音卯女萎一名茆是茆
音柳韻會不知反以毛晃為誤

少辛細辛也細辛與馬蹄香鬼督郵徐長卿白薇白前
皆相似 山海經曰浮戲之山多少辛管子曰五沃之
土群藥生少辛即細辛也筆談曰東南所用細辛皆杜
蘅即馬蹄香也黃白拳局而脆乾則作團細辛出華山

極細而直深紫色嚼之辛甚於椒襄漢間有一種細辛
極細而直色黃白乃是鬼督郵東璧曰似鬼督郵而色
黑者及已也葉似小桑根似細辛微粗長黃色辛而有
羶氣者徐長卿也葉似柳而味苦者白薇也似白薇而
白直味甘者白前也今分南北北為良

東璧謂蘧麥石竹為洛陽花近矣而非一也 說文蘧
麥徐曰今瞿麥又名句麥爾雅大菊蘧麥也若爾雅出
隧蘧蔬則菰菌矣東璧謂蘧麥名石竹子南天竹草曰

華本草以為燕麥杜姥草者誤蓋燕麥即雀麥雀瞿相
訛至曰石竹子即洛陽花今名洛陽錦絕不似竹有五
色其後此而開者曰翦春羅大者曰翦絨花原自不一
瞿麥則野生也石竹子是王留類南天竹是種之庭中
結子如珠秋冬紅者北人以虞美人為鷓粟母乃似之
虞美人亦有吳蜀二種碧雞雜志所言桑景舒作虞美
人曲而此草即動辯其吳音相應形容耳

屈龍即游龍所謂茱萸也 詩傳龍頭草也淮南子曰

海閭生屈龍屈龍生容華龍鴻也屈龍即游龍爾雅所云茝龍古其大者歸乃大蓼也又馬蓼曰墨記草葉中有黑點者水蓼即虞蓼澤蓼青蓼人食之紫蓼赤蓼以色名香蓼以香名

結縷胡繩也 遊獵賦云布結縷爾雅傳橫目注一名結縷俗曰鼓箏草師古曰結縷蔓生著地之處皆生細根離騷索胡繩之纚纚胡繩蓋結縷也

南方草木狀之邪悉茗今廣州之素馨花也 草木狀

言邪悉茗與末利皆自西國移植南海陸賈南越行紀
曰此二花獨芳與橘化為枳異矣段成式曰野悉密出
拂林波斯花五出白色不結子與嶺南詹糖相類西域
人采花壓油智按素馨花四瓣此微異耳或作那悉名
所謂詹糖即旃檀之轉也五羊城外三十里有花田云
南漢劉鋹之姬曰素馨死葬於此故曰花田多生邪悉
茗即以素馨呼之其香不及茉莉之清也丹鉛錄曰晉
書都人簪奈花即今茉莉也壓油取露皆用此與野薑

薇又有雪瓣花指甲花含笑花其成樹者九里香皆其類也茉莉或作抹厲末麗抹利沒利又名柰花洛陽名園記作抹厲王十朋作抹利洪景廬作末麗佛書末利花言柰花也柰則曰菴羅沖云蒸花露法熊三拔有鍋竈式非壓油取

留求子使君子也 嵇君道言南海交趾出留求子如
梔子稜瓣深而兩頭尖似訶梨勒半黃已熟中肉色白
甘如棗其核大治嬰孩之疾此即使君子也可謂善狀

物矣但如榧子而甘非如棗甘也始因一使君用此救
小兒故名今汀邵皆生其云訶梨勒樹似木椀花白子
形如橄欖六路皮肉相著可作飲變白髭髮令黑出九
真

草薺菝葜土茯苓一類而三物也土中塊生者多以瓜
名菝葜瓜萹澤姑括樓之轉括樓又果羸之轉也 治
風濕者俗呼冷飯團故蒙筌合草薺菝葜土茯苓為一
鄭玄草挈土瓜也則以土瓜即草薺月令王瓜一作王

芡呂覽作王善生王冰引作王箭生宋本草王瓜一作
芡萸爾雅菲息菜菲芴郭云菲土瓜或以為黃獨蓋以
土中得成塊者名瓜古瓜姑通聲如苽音菰以瓜諧聲
天花粉郭陸以為王瓜土瓜智按即爾雅之鈎瞿姑也
說文黃兔瓜箋以為天花粉音寅

薇銜本作麋銜 或為麋銜一名獨搖吳普一名無顛
麋銜矢醴素問所先矢醴雞矢酒也酈道元水經注云
魏興錫山多生薇銜草有風不偃無風獨搖寰宇記曰

均州天心山有草曰薇蘅其草有風不偃無風自搖薇蘅蓋蘅之訛也今李克家水經注亦訛作薇蘅草

古謂之蘆今謂之苺 覆盆子也曰寒苺大麥苺世呼插田蘆爾雅之苺缺盆也稍大者呼割田蘆亦謂蓬蒿也此皆一枝五葉五月實熟烏赤者一枝三葉實如櫻桃曰蔣田蘆即爾雅所謂蘆鹿陳葳器所謂茅苺也一種樹生蘆爾雅曰箭山苺陳葳器所謂懸鈎子樹苺也就地蔓生黃花則蛇蘆蠶苺爾雅所謂葳蘆芳也又律

草一名來莓草五爪龍藤一名五葉莓一名龍葛江東呼虎葛蔓生有稜名烏葢數癰神效

禹餘糧有七 石中黃粉名禹餘糧又有太一禹餘糧丹書中又云銅坑禹餘糧博物志篩草如麥名禹餘糧別錄麥冬一名禹餘糧赤茯苓名草禹餘糧存中曰赭魁南人以染皮名禹餘糧綱目未考出故列之

獨搖有八 一羌活一鬼臼一鬼督郵一天麻一薇薔一白楊一移楊又媚藥有無風獨搖草又抱朴子云獨

搖芝一薇蘅智攷薇蘅即麋銜白楊即移楊除此共八
花蓋謂之蓓藟亦謂之勃 韵畧曰蓓藟如華也青箱
雜記曰刺桐花深紅色一枝數十蓓藟爾雅蒹葭注葭
音羊捶切孫愐葭音喬草木初生為猶韻會作隋苗莖
初生又為蓓皆當音蓋余邑謂之棹留或轉為巨羸北
人謂之孤蔕音若孤都即宋景文所云胍朏蓋葭本字
為草含葭生兒麻花曰麻勃亦麻蓋也齊民要術曰麻
放勃時拔去雄者勃即棹也槲櫨之小者曰榘棹亦謂

其小似花蓋耳晉童謠桑生蓓雷張有琲瑠精蘊作琲
瑠宗吾編因作藹

皇辜謂初生之藹也淮南子醴泉生皇辜皇辜生庶
草皇辜蓋言草木初生之藹而有勃也胍肫之音正本
此藹見爾雅

隹尾苞也馬融廣成頌隹尾薤熒郭璞注隹與笋通

隹韻作艾音役隹尾花苞也薤黃花也智按笋筍拘篔簹皆

一字因笋與隹通故又音蓋尾薤因皇辜之聲熒艾因

榮聲

青志謂茁也牛膝一名志 崔希裕畧古曰志古文悉
字鄭玄曰齊人謂狂生曰志一作悵智按悵則公羊之
悵也管子五位之土青志以苔五隱之土青志以肥淮
南所謂窮谷之汙生以青苔也字林云志即牛膝也以
管子之語詳之自非牛膝或同名耳志謂初生茁長也
荏即蘇也亦呼為茗 說文荏桂蘇而毛鄭以為戎菽
則管子之胡豆非矣菽豆也荏蘇也徐曰荏白蘇桂荏

紫蘇方言關東西謂之蘇或謂之荏周鄭間謂之公蕒
沅湘間謂之萆小者謂之釀茶郭璞曰公蕒音翡翠今
江東人呼荏為萆長沙呼野蘇為萆釀茶萆菜也按說
文引楚辭萆蕭此其通名乎萆菜則香蒿也

阿魏草木汁也 段柯古記佛祿僧鸞所說波斯國樹
呼為阿虞葉似鼠耳斷其枝汁出如脂取米豆屑合成
阿魏智又按高昌即車師地元時號畏兀兒產阿魏有
草本者根株獨立枝葉如葢臭氣逼人取其汁熬煎

成之此與僧鸞說合但草木異耳涅槃經曰央匱蒙古
曰哈昔泥走馬射阿魏賈胡神其說而好事者筆之如
貞白信蘇合為獅屎之類

竹葦

員丘即路人竹由衙太極雲母濮竹沙摩皆大竹也無
節曰通竹長節曰篔簹 晉武昌戴凱之竹譜凡六十
一大者員丘帝竹即山海經衛丘俊林竹郭注舜林者
也岳山尋竹生焉篔簹與由衙土人用為梁柱神異經曰

竹名太極長百丈南方以為船嵒舍曰雲丘竹一節為船出扶南即此負丘當作員丘王會曰路人大竹注以潞為赤狄恐在北方無此大竹也河圖曰少室山大竹堪為甌噐廣志雲母竹最大李石言漢竹大者一節受一斛晉常璩南中志言寧州有濮竹節相去一丈受一斛許即李石所謂矣元劉美之云桂嶺竹之花出者曰沙摩竹東璧曰有無節竹出溱州空心直上即通竹也竹譜篋管但云多植水渚智按羅浮山竹節中過丈此

東壁所稱篔簹也其曰龍公竹葉若芭蕉其龍鍾大竹之說乎兩廣今多刺竹竹生卷曲煩猥竹譜名為筓竹李石名為攤竹可作籬笆也嵇云九真交趾出石林竹可切象皮又出簞竹大秦出篋篋以鏹犀象利于鐵東壁謂澁者以錯甲謂之篋篋簞竹凱之作單今梧州有單竹泥竹之稱單竹可為篋慈孝竹則叢竹四時筍江南竹則葉肥幹薄不可為篋箬葉大可裹粽夾蓬者也竹小者曰鳳尾竹瀟湘竹草木狀言越王竹高尺餘東

壁言辰州龍絲竹細僅如絲高不盈尺今廬山有千里竹高亦數寸而葉不甚小又一種也鄧潛谷載觀音竹種之于盆可玩廣志有觀音竹瓔珞竹折尾竹方竹出君山閩浙簷同以方竹獻取其四稜廉隅益部方物記贊方竹中實但小耳此未見北戶錄澄州之大方竹也紫竹斑竹皆有大有極小如瀟湘竹者廣西仙迴深山有之條竹實心苦竹刺竹及筋竹皆實心瑶星曰沃冀暘谷漫錄載安福西鄉周俊叔者嘗得十二時竹

一根植于家十季餘筍而竹者纔得三枝繞節凸生十
二字點畫可數智以此近妖異如柳葉虫文耳如顧遜
園所記華嚴寺佛面竹作筒即人面竹之大者僧侈其
名遂信之邪禠俎言筍墮如綉畫百葉為一枝五色線
引梁簡文修竹賦有玉潤桃枝魚腸金母之名此不足
異也魚腸筋竹金母謂黃淡竹也

筍亦曰筍箭箴哥禹貢之篠爾雅禮器之箭竹也 呂

覽越駱之筍注竹筍也考工疏筍竹聆風或竹簞篔箭

竹也湛若曰俗謂之箴竒箴苦怪反智按冬獻筍即冬
筍也箭竹叢生小而疎節節或長二尺山澗旁生南方
作矢白下取為箴譜曰箴亦筍徒謂之箴竹可蓬可矢
荊州貢筍籥楛皆可為矢陸璣曰楛似荆赤莖似著上
黨人為牛管智按楛木為矢非箭竹也筍籥堅竹篠箭
竹籥大竹

桃枝非一種 范成大言桃枝似小稜劉美之亦曰稜
竹皮葉皆似稜亦謂之桃竹則與爾雅桃枝四寸有節

者又殊今南都扇肆中假克梭竹者名桃絲竹或即桃竹贊寧筍譜有三棱竹筍狀若梭闊莖柄有三脊東坡曰子厚詩桃笙葵扇安可常偶閱方言篔謂之笙乃悟桃笙以桃竹為篔也梁簡文曰五離九折出桃枝之翠笋桃竹出巴渝間杜子美有桃竹杖引智考桃竹劬竹蔓竹之類也最細然大于篠箭肇慶志有桃竹東璧曰滑者為席曰桃枝凱之曰方志賦桃枝皮赤編之滑勁顧命篇所謂篋席也郭璞注爾雅加竹字人言桃竹短

節余見節長踰尺豫章有之山海經木有桃枝又廣志
桃枝出朱提郡曹奐所用者也則草族木類自別有桃
枝耳智見今有夾竹桃枝葉如竹而花如桃花太平廣
記俱那衛葉如竹三莖一層莖端分條如頰桐花小類
木瓣出桂州羅浮山記云那衛外國樹英花紅粉此亦
夾竹桃之類也山海經有桃枝鈎端箭籟郭注曰鈎端
桃枝類漢中出籟竹厚裡而長節東璧且以鳳仙為夾
竹桃

扶竹即邛竹 山海經龜山多扶竹郭注邛竹也名扶老竹陶潛策扶老又見蔡順傳注

今所謂桂竹古之筓竹也 盱江曰筓竹可絲以制器又可刺船江楚常用之本草以為桂竹譜之桂竹云二尺圍而皮赤潮州出赤竹是也山海經曰靈原桂竹傷人則死是桂竹又有二種矣

矛竹非苗竹也鄧潛谷以為貓竹 竹譜有矛竹劉淵林云外國有以史葉竹為矛余所聞是筋竹智按即廣

之利竹實中堅韌者也綱目以為矛竹又載苗竹云一節尺餘出吳楚潛谷曰筍如貓頭故名劉美之載貓兒竹筍重十餘斤又載毛竹出武夷此竹江楚賴之凡事可用嫩者造紙譜無此名倘即所謂蕩竹蓋竹乎貓竹不生于北方北方竹皆筍也朱子改王芻策竹為今竹鄧潛谷是之然北方大都竹少水經注美溝水東南注淇水博物志謂之奧水流入于淇漢武塞決河用淇園之竹寇恂守河內伐竹淇川治矢今無復此物惟王芻

菼草矣

澁勒笏竹也

無功言庾新野詩防露動林於見竹譜

智按今譜作筴字王洙筆錄有書籜筴亭額東坡詩倦
看澁勒暗蠻村澁勒嶺南竹也草木子竹葉一名斤斤
輟耕錄竹澁名火泉智按肇慶府志有笏竹即李石所
言之攤竹也有刺而堅村村以為籓落土人呼為勒竹
或云棘勒東坡所謂澁勒應是海南一帶鄉語耳本草
綱目有笏竹今韻書無笏者孫愐收笏字音勒以為竹

根綱目之笏正笏字之訛升菴以篋笏即澁勒

筭一作箒 謹筍許慎訓為竹胎一曰龍孫馬援以禹貢之包即筍也 宋人小說曰老杜詩曰竹根稚子無人見沙上鳧雛並母眠唐人食筍詩曰稚子脫錦褌駢頭玉香滑因竹孫名稚子也 贊寧曰竹根大鼠名竹豚亦名稚子按是玉篇鼪也 莊子羊奚比乎不箒即筍字又作謹拘篋爾雅筍竹萌以旬而成竹也 周密以竹萌出周禮注何不直引爾雅程泰之言老杜稚子為雛雛唐

人食筍詩未可據也筍譜曰馬援見冬苞筍上言禹貢厥包橘柚之包即此冬苞筍貓竹筍也廣志魏漢中守王圖每冬獻筍越中糞地斵竹種根土坼十字即鋤其筍拭而蒸之焙之妙甚天目青筍廬山拳筍皆小竹也南岳擣為筍膏闔筍如木下矣

似竹之小草有十 一種曰綠即說文之葦漢書韞綬晉灼注云韞草出瑯琊似艾可染是也北人呼綠為戾古者貢草入染人故謂之王芻而進忠者謂之葢故又

名蓋草孫炎曰萊即萊蓐草今呼鴟腳莎引注萊竹猗
猗智按萊蓐草即菡竹而東璧猶引萊竹萊蓐鴟腳莎
仍為所牽矣鴟腳莎即鴨跖草一種曰菡竹一作蓄筑
節間有粉郭璞云似小藜赤莖節則又似菡竹注王芻
矣紫蝴蝶名菡竹實似萱不似竹時珍以為射干一種
曰淡竹葉根名碎骨子根數十顯結子似麥冬但堅硬
耳今采作酒麴一種曰鴨跖草即藍胭脂草也杭州以
綿染其花作胭脂為夜色一名竹雞草耳環草藍姑草

碧蟬花亦曰淡竹葉永嘉記青田縣以產草似箬呼為
竹青而縣名青田一種曰水竹葉生水中葉如竹而短
小可生食能去蠨虱與虱建草牛扁特同功一種曰竹
莢菜好生土牆頭及園傍節疎而弱不直起葉如竹人
采為茹一種曰木蒨筑方家用之即說文所謂薄也一
種曰綠竹草詩注作王芻蒨竹二草陸璣以綠竹為一
草名馮嗣宗曰即今木賊草一種曰千里竹高七八寸
葉似竹而幹似蘆根實草也廬山有之可以降火一種

曰錦竹杜詩有錦竹兩三叢或疑竹紀之蒸竹筍墮竹其皮類繡升菴閱梅宛陵集錦竹詩自注此草似竹而斑又二種名似竹而不甚似竹者曰苓陸元恪疏曰苓莖如釵股葉如竹蔓生澤中牛馬喜食之今圖經黃苓莖如箸葉從地四面作叢生不知是陸疏所言者否又瞿麥名石竹子乃洛陽錦之一種至名竹而全不似竹者黃精曰菟竹鹿竹萎蕤曰玉竹

莖亂荏荏兼一也葭蘆葦一也 爾雅兼蘆葭蘆葦醜

方蕭荻騅亂說文兼萑未秀者葭葦未秀者葦大葭也

莢萑之初生亂荻也孫炎郭璞以蘆亂為二李巡樊光

以蘆亂為一葭小正注埤雅皆紛紛矣按詩毳衣如莢

八月萑葦注疏初生為莢

音毯一作荻

長為亂

盧玩切

成為萑

胡官切

戴氏曰莢亂萑荻兼

音一

物五名今人特謂之荻

一作藹蔽藹

莖短小而實其末曲如鈎類馬鞭節其葉陞長

而色重于蘆有白脊其花先紫脆後白如散絲今人以
為簾箔淮南子曰荻苗類絮是也葦于虺切蘆陵如切

葭間加切孔氏曰初生為葭

音加

長為蘆

音蘆

成為葦

音葦

謝嶠

讀兩雅平聲

葭蘆葦一物三名今人特謂之蘆蘆幹大而虛

中其末直其葉闊大而色淺其花褐色穗生如狐尾今

人以覆屋織壁編簾作筆管箱管絞繩皆蘆也葭中白


皮曰芋漢書曰非有葭芋之親是也詩曰八月萑葦曰

葭莢揭揭曰蒹葭蒼蒼今人言蘆荻皆對舉之詞也按

葦籥葭管皆以蘆為之升菴引凡將籥蘆蒿即荻嗣宗

說與戴同而葭又名華莢又名離蒹一名蘆江東謂之

烏蘆本草綱目仍混孔平仲談苑曰江東蘆賤而荻貴
退灘之地先一季所生者蘆也明季所生者荻也唐韻
曰葵蘆也一作蕨在隊韻方言注江東稱蘆條為蕨自
六朝已有此語從草從廢名見劉敞傳陸公深曰鄉人
謂織席時蘆每飛起故飛聲轉而為蕨亦方言也



通雅卷四十二

欽定四庫全書

子部

通雅卷四十三

詳校官中書臣朱文翰

員外郎臣牛稔文覆勘

總校官降調編修臣倉聖脉

校對官中書臣高 中

謄錄監生臣張士琛

欽定四庫全書

通雅卷四十三

明方以智撰

植物

木

栝結子松也。樅鳳尾松也。檜楠皆柏也。槲葉如鏡，鍼而羅漢松似之。皆理直後凋者也。爾雅曰：柏葉松身曰

檜。松葉柏身曰樅。孔安國謂柏葉松身為栝。孔穎達謂詩書之檜栝為一物。說文曰：栝，檜也。其兼柏葉者謂之二色檜栝。生北方，實似小栗。書曰：杙，幹栝。栝亦作椽。

小顏曰似樗而實尸子曰松柏之鼠不知堂密之有美
樅記曰鬯曰以掬鄭氏曰柏也此即許氏所謂鞠今世
有羅漢松瓔珞松剔牙松金松小松瓔珞柏扁柏柳柏
血柏圓柏圓柏即刺柏所謂檜也定以結子曰栝子松
宋子京有峨眉竹松贊言幹是柏而籜似竹恭曰今樅
不知何木智按鳳尾松葉細叢鬣非鍼而幹皮如柏其
樅乎去皮用其木蓋杉類也陳後山曰柏葉松身所謂
絲杉智按瓔珞柏是也廬山大林寺前寶樹十餘圍正

鳳尾松又有丹桂木柵木皆杉類松葉謂之鬣鍼檜柏
有刺杉如鏡鍼木其理皆直汁厚凌冬松根遇石則盤
頂柏杉必不曲矣爾雅披剡剡一作槩音漢安永初五
季春合浦杉葉飛入洛陽以為瑞嵇含言披杉通志言
西域傳奄蘇國檉松南都賦注李善曰檉松似松而香
又引山海經注椶似柏有刺潛谷以披似杉為榷別錄
作榷神農本經有披子今江楚兩廣呼松為叢木江北
呼杉為紗木或曰檜木或曰刺斗指其葉也

五粒當為五鬣 蕭炳言五粒一叢五葉如釵即新羅
海松子如小栗三角其仁香美按粒是鬣誤或有兩鬣
七鬣者李賀有五粒小松歌成式曰李衛公言二鬣松
與孔雀松別

松澹火燒松枝取液也

大觀本艸作澹綱目作澹

音澹

玉篇曰檠松櫛也櫛液櫛也皮上綠衣名艾蒨與檠榔
艾蒨皆可合香邵文伯所鈔宋五色線引為松檠艾蒨
則又因諧而轉為雒耳雒音讎

榕當別出狀木始于嵇含分字始于戴侗 說文以槩
為古松字六書故以古松字為槩而榕為南方之榕榕
實南方巨木嵇含已詳載矣柳宗元詩榕葉滿庭鶯亂
啼後山談叢言蔡州壺公觀有大木四垂傍出人莫能
知張幾閩人嘗至蔡為余言乃榕木此木無用惟枝上
垂根暴之可作火繩以發炮又可染黑贊寧志所云倒
生木不死樹橫枝生根下地如柱即榕無疑

楸梓萩椅槁楸楶一類 爾雅曰槐小葉曰楶音大而

散音楸小而散音榎又曰椅音梓音樛音山榎音榎一作櫟而

櫟為苦茶郭曰槐當作楸樊光曰大而散者老而皮粗

散也陸璣曰楸之疏理白色而生子者為梓梓實桐皮

曰椅樛今山楸也亦如下田楸皮葉白色才理宜車版

能溼可為棺宜陽賈思勰曰白色有角曰角楸子楸黃

色無子曰柳楸暴梓角冬初種之一季孳二季迨之楸

無子掘根取栽樂彥以楸即梓非也按詩椅桐梓漆並

稱胡廣以椅為梧桐非也桐葉三歧實不似梓椅木皮

青與黑殊。椈，鼠梓，其椅乎。陸璣曰：苦楸也。今江東有虎梓。說文曰：梓，一作梓楸，即萩。周憲王曰：有刺楸，梗間多。大刺楸，秋垂條如線。曰楸線子。謙謂楸與梓異生子。不生角。智謂今辯宜明古。或以散者通呼楸耳。山海經之楸，即楸。

穀一曰構，扁穀謂之楮。其高大皮駁實如楓，實熟則紅。璣曰：幽州謂構為穀。桑書所云桑穀並生者也。一種皮白葉長實小似覆盆子，其木不能高大，俗謂扁穀所。

謂楮也楮皮宜紙穀皮粗宜為茵帳本艸極言楮實之益東璧合之

檄藪檄欖皆椒也 秦椒似蜀椒而大初秋花秋末實

即爾雅之檄音毀也蜀椒即川椒一名唐藪或作顛音穀漢律

會稽獻藪一斗陶隱居曰俗呼為藪即檄通志曰唐藪名

陸撥蜀人呼食茱萸為艾子揚雄賦木艾椒離升菴曰

藪即艾也益部方物記艾子實正綠蔓椒俗呼為樛似

椒欖小不香耳或曰金椒欖野椒也薰子出閩中直翁

引吳越春秋越以甘蜜九櫛報吳增封之禮以證越椒
今本文為甘蜜九櫛文筍七枚狐皮五雙晉竹十庾則
直翁誤矣櫛一字二用也漁仲曰櫛子即食茱萸又有
崖椒四季採皮入藥陸璣又云竹葉椒成臯山中比蜀
椒毒熱可著飲食子長而不圓按此即今番椒大如小
指頭上尖下平正赤嗣宗謂即胡椒非也續漢書天竹
出胡椒異域志入不國出胡椒段柯古云胡椒蔓生兩
兩相對畢澄茄其類也今廣舶有玉椒色白總按爾雅

檄大椒椒檄醜菜說文曰檄似菜萸郭璞曰檄似菜萸而小實大者名檄李巡曰檄菜萸也記三牲用藪康成曰煎菜萸也說文無椒字此一日此菜木徐錯曰豆赤作赤則菜即今之椒也椒叢生如薔薇非木也智按今椒皆成樹古人將以菜萸為椒也椒專達陽行下川椒皮內白其子黑而光不光者土椒閉氣

欄棟子也 幌氏以欄為灰欄即今之川練子也一名金鈴子一名石菜萸獬豸食之蛟龍畏之智按古連蘭

相通連石音爛石說文瀾或作漣可證

椅桐榮桐白桐即泡桐也陸璣以椅為梧桐因陶隱居之說也青桐即梧桐之無實者岡桐即油桐又名荏桐葉如楓而刺者曰刺桐外國之種曰海桐小而真紅花者曰頰桐 唐宋本艸紛無定名陶貞白云四種青桐青而無子梧桐皮白有子爾雅櫨又名榮皆梧也白桐即椅桐與岡桐無異但有花子岡桐無子堪作琴瑟戴氏曰岡桐似毛桐葉細而不毛毛桐易枯岡桐能大宜

作琴瑟陸璣曰白桐宜琴圖經又曰梓實桐皮曰倚油
桐即膏桐子可壓油本艸又曰南人呼作油者曰岡桐
前既云岡桐無子何從壓油乎錢氏詩話作琴入藥惟
白桐岡桐窄油陶誤皇祐陳翥桐譜分六種花有紫白
白者理粗而體性慢葉圓大而尖長其花先葉而開紫
者理細而性緊不及白花者易生莊子所謂桐乳致巢
至八月復有花一種油桐一種刺桐葉如楓有刺一種
梧桐有子可噉一種身青高三四尺便有紅花曰蘋桐

李時珍止分四種亦未考也言椅桐白桐泡桐為一青
桐梧桐為一岡桐油桐為一海桐刺桐頰桐為一智按
詩稱椅桐梓漆古詩云椅桐傾高鳳嵇叔夜琴賦曰惟
椅桐之所生古人以椅為高大疎理之稱故曰椅梓曰
椅桐以別于本梓本桐耳古或通指今則專以青桐為
梧桐以桐譜言之則白紫花二種皆今泡桐先花後葉
爾雅謂之榮桐榮即泡也岡桐作油又有實如罌子粟
者可作油陳蔽器所云罌子桐也唐詩刺桐花下莫淹

留嶺外多生自外國來者曰海桐與刺桐相似頰桐秋
開紅花無實雲南桐子大而橢又西域鄯善出胡桐其
海桐之本名乎孟康曰似桑而多曲沫流為胡桐淚可
以汗金銀今肅州有之今白門別有海桐葉不似桐花
開與橘柚同時凌冬不凋云是鄭和西洋移種

榆類不一 陸氏言榆有十馮嗣宗曰爾雅無姑其實
夷注無姑姑榆也葉圓厚剥取皮合漬之味辛香所謂
蕪夷此一也樞今之刺榆即廣雅所云梗榆此二也本

草榆皮一名零榆此三也郎榆味甘有滑汁秋生莢此
四也爾雅榆曰扮郭氏曰扮榆生葉後著莢此五也廣
志有姑榆有郎榆無莢任車用賈思勰言挾榆凡榆陸
璣又言駁馬梓榆戴氏曰沙榆葉大槲似榆而稍毳其
皮下水令人睡叔夜所云也今南京止謂作什器者曰
細榆又或曰拮榆其北方生莢者曰鑽天榆四民月令
曰二月榆莢成而朗榆八月有莢其殆萬畢術所云八
月榆孺令人不飢者乎大氏朗榆即榆孺即挾榆即郎

榆或狂廣南不生莢耳說文榎山粉榆也有刺實為蕪
莫蕪莫即無姑之莫然則榎即是榆因姑榆作榘榆壺
涿以榘貫象齒制水怪注榘也山榆

櫟柳即杞柳 爾雅注作拒與櫟同杜詩櫟柳枝枝弱

即杞柳也杞于櫟猶立于區也訛為鬼柳今盱泗間謂

之櫟榆而呼凍杉為柳版說文榘可屈而為杵

榘音偉
收紹

遺 即鬼柳也潛谷杞櫟為二泥其名異耳杞作切版讓

刀不爛北人屈為柳斗則楛與蒲柳枝皆可用櫟楊近

水生須近赤者也元恪言檉葉似松沈炯賦檉似柏而香則牽混絲杉矣揚者楊垂者柳觀音柳垂至地者爾雅揚蒲柳菴澤柳檉河柳古故互稱

枸杞為檉謂棘如枸莖如杞也寇宗奭知別棘枸而誤引杞柳郭璞誤以椴為杞毛萇誤以枳椇為枸說文誤以枸木可為醬楊升菴鄧潛谷誤以蒟蒻為蒟醬故考正之 枸杞甚甘而本經止言其苦寒圖經載分枸杞與枸棘又澠疏條注李當之云子赤甘澠疏有刺枸杞

無刺衍義知分別枸棘為徒勞小則多刺大則少刺然
又以為孟子杞柳則大謬矣何怪仙人杖白棘之見嘆
於子昂乎杞大木也詩曰無折我樹杞左傳曰杞梓皮
革孟子杞柳為栝椽此與杞梓並稱大木也詩北山采
杞隰有杞棗此可采者枸杞也爾雅曰枸杞櫪陸璣曰
名苦杞一名地骨春葉條可茹微苦今敬鄉曰甜甜芽
子秋熟正赤存中曰陝西極邊枸杞高丈餘大可作柱
大即無刺耶璞以椶為杞非也擇杞見前詩南山有枸

毛萇曰枳枸也此是棋矣曲禮棋榛木似白楊枝端生
指數寸如飴八月熟曰木蜜俗稱厲漢指說文曰枸木
也南越食蒙以蒟音矩醬荅自牂牁按蒟醬蔓生葉似王
瓜而厚大辛香實似桑椹皮黑肉白西戎亦將來交愛
多種謂苗為浮留藤取葉合檳榔食之漢書作枸故許
慎牽引不決

蒟給即蒟醬其藤曰浮留今謂之萇 太冲蜀都賦先
言蒟蒻菜萇後又言蒟醬流味於番禺之鄉六臣注蒟

弱為蒟醬故升菴潛谷因之而誤也劉淵注是智按常
璩巴志蔓有辛蒟蜀志言有蒟給嵇含曰蒟醬葦菱也
生于蕃者大而紫曰葦菱生于番禺小而青謂之蒟焉
蒟子調食故謂醬焉孟竒不知此故疑蒟為醬此因徐
廣而誤廣謂木生豈足據乎葦菱即畢撥今為二種畢
菱艸生蒟蔓生兩廣呼留為蔓借字也雲南人食檳榔
用蔓子廣東冬用蔓根蒟弱則鬼芋詳前

有藥花有木藥有牡荊黃荊也藥荊紫荊也 說文曰

藥木似欄按說文無欄字白虎通曰天子樹松諸侯柏
大夫藥士槐本艸藥木似木堇而細華黃似槐而稍長
大子殼似酸漿中有實如椀豆堪為數珠存中云一種
可為念珠曰木藥葉似石南經冬不凋黃荆亦謂之土
藥本草又有藥荆補談曰艸藥藥花是也叢生可為杖
捶曰黃荆即本草牡荆唐人又補紫荆一條亦曰藥荆
非古人所謂藥荆也藏器言紫荆夏秋子熟如小珠者
誤葉三桠比黃荆稍大圓實如檇英著樹連冬不脫園

亭上種之亦非今之紫荆花也寧浦有三荆金荆可作
枕紫荆作牀白荆作履乃天南之別種焦弱侯曰方曰
荆圓曰楚

黃斤乃食葛非衣葛也 羅願曰雞齊一名鹿藿一名

黃斤生蔓延生食甜脆亦可蒸食今之食葛非為締絡
者也今南楚兩粵專採葛根作粉食此藤即可布粉可
作丸曰葛粉廣人以假西國米能醒酒或曰廣昌種葛
如土瓜

栲臭椿也。杻杻，詰也。爾雅曰：栲，山栲。杻，檍。說文曰：杻，

音考
即栲

山栲也。陸氏曰：山栲與下田栲無異，葉差陋。爾吳

人以其葉為茹，俗無有名。此為栲者，栲則更有栲櫟。郭

氏曰：栲似栲色，小白。一曰：秦諺曰：樵栲，栲漆相似。如一

栲臭椿也。古人常通指之。栲古音戶，今音丑，居切。與椿

同母，宜其合也。臭栲有莢，椿有花，而俗稱椿莢，正此故

也。莊子且因惡木而生大椿之說。栲又作樛，一名鬼目

葉脫處。栲蒲子類之故，以為名。杻葉似杏而纖花如棟

一名土榿考工柘為上榿次之說文曰榿杵也榿梓屬
今官園種之取億萬之義謝朓詩風動萬杵枝是也三
輔黃圖載有杵詣宮杵音意詣即榿也升菴以杵詣即榿
榿齊諺榿榿先殫今按注疏齊諺作挈榿爾雅作鳧榿
榿一說榿榿俗呼朴樹其木如檀其實大如梧桐子而
黃按朴即梓榆

莢迷即繫迷 今綱目作擊迷誤矣詩注疏繫迷一名
羿先引齊諺曰上山斫榿榿先殫斫榿不諦得繫迷

繫迷尚可得駁馬陸元恪疏曰檀木皮正青滑與繫迷相似又似駁馬駁馬梓榆繫迷一名挈榼唐本草繫迷名莢蓮蘇恭曰葉似木槿及榆子如疏澠兩兩相對而色赤味甘廣志云繫迷樹子如糯粟可食繫音計陳無功音谿按掾榼挈榼榸榼皆一引書偶訛耳升菴以為櫛今人以為朴

許慎以櫛為獲而以櫛為櫛相如以華通櫛而顏籀以梓為獲陸璣以獲為榔榆爾雅獲落郭注曰可為杯

器素邢昺曰素謂樸也陸璣曰椰榆也皮堅韌剝之長數尺可為絙索甌帶杯器則素乃索之訛許慎曰樺樗木也漁仲以獲為檉杉此或通名按莊子原憲華冠緹履相如賦華楓枰櫨師古曰華即今之樺皮貼弓者許非而顏是也樗是臭椿樗樗獲當一字吳中廣要書以獲為椰榆因爾雅疏合溪引陸璣作椰榆椰乃椰訛紫檀即赤檀覓檀即白檀陸璣曰木皮正青滑澤與繫迷相似又似駁馬駁馬梓榆之皮斑者也紫檀皆出

嶺南來自外舶檀香為旃檀番曰真檀真紫檀出盤
國雲南人呼為勝沈香即赤檀也兩廣西溪峒亦生之
東壁言總名旃檀而有三色聖賢冢墓記曰孔子塋中
有柞粉維離五味窳檀之屬窳檀白檀也上林賦有欂
音 欂皇覽亦曰孔子墓有之善木也有黃白二種蘇頌
曰亦檀香類但不香耳水經注曰檀馬成林

石檀者柃櫨今秦皮也 說文曰柃或作櫨淮南子曰

柃子林切色青治翳目高誘曰苦歷木也按即今之秦皮

是也木似檀取皮水漬之碧色一名石檀又作搗集韻
曰樊規皮能漬水和墨以書不脫樊規即柀

柀櫟靈壽

爾雅柀櫟

音居貴

陸氏曰節中腫似扶老今

人以為杖及馬鞭又名靈壽本草根皮止水生劍南山
谷孔光奉老賜靈壽杖小顏曰木似竹有節唐書李靖
遷右僕射乞骸骨加賜靈壽杖即櫟也今天台山有之
南都為几案者別有柀木乃是大者可以水磨潛谷曰
制器者櫟也山海經廣都之野靈壽實華常璩巴志胸

腮縣產靈壽木水經注來水合漆水湘水千秋水水出
萬歲山山生靈壽木按今之天台靈壽杖自然腫節乃
藤也

吉貝即劫貝木棉樹也 虞文靖言杜仲即木棉樹非

也謂皮有絲則川槿皮切斷其絲白茸亦謂生棉花乎

古無木棉絮皆絲繭唐有木棉花詩通典有木綿濮詳

見布帛條以佛書劫貝證古貝為吉貝攀枝花作褥生

中原者小令嶺南木棉樹高數丈春開紅花陶九成云

松江烏泥涇種木棉黃道婆自崖州來教以紡織則棉布始盛耳史記荅布外國白氎布皆此類孟竒言閩中呼棉花為吉貝近于家貝

橙柚橘棗枳柑一類 橙一作棖柚去聲一作櫛橘居聿

切棗千侯切類篇曰小橘出武陵智以為即金橘金豆黃淡子之類也東方朔連稱橘柚呂覽曰果之美者有雲夢之柚橘踰淮為枳而南方亦有枳粵人以小橘生者為枳小柚生者為青皮甌謂橙為朱藥香者為香藥

香筩香櫞佛手柑皆橙類也柑亦不一有密羅柑皮皺
桂海志有饅頭柑又有羅蒙子大如橙張子賢言有回
青柑本草曰乳柑子有沙柑青柑山柑惟山柑皮療咽
喉痛餘者皮不堪用今槩收為陳皮蓋藥用橘皮而南
方橘柑相似故不分也東坡誤以盧橘為枇杷而陶九
成始疑之以廣州之壺橘為盧橘眉公引花木志曰盧
橘乃蜀書給客橙橘以閩為佳吳中亦產朱橘但小于
福橘耳綱目以朱藥為柚非是也朱藥蓋朱橘也或曰

金橘盧橘也最小者金豆所謂揍

音揍

也吳丹陽守李衡

植柑謂子曰有木奴千頭歲絹千疋歸田錄言景祐初

金橘竹子俱至京師久留者於菜豆中歲之

楠即枏今作枏讓木也娑羅則外國之讓木也 陸文

裕曰成都庭院植成行列枝葉若相迴避謂之讓木文

潞公有移植虞芮間之詩周益公有葉葉相讓之贊實

似母丁香粵中今分香楠青楠粥以為櫬又有石楠葉

似枇杷有刺凌冬不凋本草別為一物成式言衡山有

三色石柵其曰柵木者時珍謂柵字之訛娑羅樹葉似柵相讓皮如玉蘭色蔥白最潔鳥不棲虫不生子能下氣今處處有之貝多葉有三種此亦其一嵩高寺患惟樹亦貝多也成式續集武陵志白雉山有交讓木更歲迭榮說文蕒音常枝枝葉葉相當箋以為娑羅樹

闕木今烏木也 王會篇卜人以丹砂彘用闕木注木生水中黑色而光其堅若鐵崔豹古今注烏文木出波斯國南方草木狀文木樹高七八丈色黑如牛角梅氏

誤作急木

椽樣栩櫟梓招一物

皆阜物也櫟檝

音斛

與櫟

音相

類俱有斗爾雅櫟其實棟榎赤棟白者棟孫炎曰櫟實
椽棟檝也說文無棟椽而有櫟樣栩孫收養韻讀象上
聲栩芋柞櫟椽一物因椽聲而作樣因賦芋而作梓別
機杼也櫟斗為勝曰阜斗又曰椽栗曰杼斗可染可澄
粉食夏統采招杜詩天寒椽櫟隨狙公一也漁仲以栩
杼為柞木而秦風之苞櫟仍是一物

莖葉皆名若槲若杜若禾若丹若是也杜若非杜衡也
槲若療血痢止渴木高丈餘若其葉也與櫟似斗小
不中用杜若是楚辭別名白苓白連杜連一名杜衡而
非杜衡葉似薑花赤色根似高良薑子如豆蔻杜衡味
辛苗葉都似細辛一名馬啼香今俗以及已代之非也
山海經曰天帝之山草如葵可以走馬食之已癭言馬
得之而健走耳以作浴湯衣香甚佳非杜若也王逸注
楚辭全混今或謂紅菟為杜若或呼青皮香樹為杜若

說文蘇把取禾若也又曰禾若秧穰也則禾稽亦謂之若石榴謂之丹若南史朱百季伐蕪采若

枌榴乃鬪斑櫻木非塗林之丹若也 吳張紘有枌榴

枕賦人多疑為石榴也智按後山談叢曰嘉州產紫竹

楠榴蓋木有瘿瘤取其材多花斑謂之瘿子木書作櫻

子木訛為影子木張紘之枌榴枕亦如雜俎所言色綾

木枕乎陳後主施瓦官寺有南榴枕即枌榴今馬湖府

志楠季深向陽者結成花紋俗呼鬪柏楠乃鬪斑楠狀

其癭榴文耳盧氏雜記言人寄槐癭與裴度欲削為枕
天中記骰子香楠當是語訛安石榴亦謂縣如瘤也一
名丹若陸士衡與弟書言張騫使外十八年得塗林安
石榴柯古續集大食勿斯離國石榴重五六斤李衛公
言石榴曰天漿能已乳石毒伽藍記語曰白馬甜榴一
實直牛則言白馬寺奈榴也三都賦林藪石留而蕪穢
注土地多石有留結也國策得成皋石留之地無所用
之則石榴正以留結得名夾漈注爾雅以劉棻為石榴

白者曰甘棠赤者曰杜梨 賈思勰曰梨一核十餘子
種之生一二梨餘皆生杜爾雅杜赤棠白者棠陸氏以
白棠為甘棠棠杜實二物赤杜蓋小梨郭氏謂杜梨是
也杜實小于梨而大于棠棠則海紅椹棹之類鄭樵曰
海棠子名海紅爾雅赤棠也楮似梨而酢本草曰柎木
瓜類似椹棹而小絕似木瓜者蠻楮也訛為楨楮陶弘
景曰鄭玄不識楮方言杜躑躅也趙曰杜郭注曰今通
言澀如杜杜梨子澀因名即棠梨則晉時呼為杜梨

棠棣常棣實一物也 爾雅曰常棣棣唐棣移說文曰

棣

特計切

白棣也陸氏曰郁李也亦曰雀梅亦曰車下李

郭璞曰棣子如櫻桃唐棣似白楊江東呼夫移沈存中
曰扶移即白楊也宋本草白楊扶移為兩條扶移出陳
藏器彼不知扶移白楊一物也扶移亦曰蒲移藏器引
論語唐棣之華鄭注移也誤矣逸詩唐棣乃白移小木
此郁李稍大非此蒲移蒲移乃喬木也詩曰六月食鬱
及萸唐棣鬱棠棣萸也詩注曰鬱白移也又謂之車下

李是以唐棣鬱白移車下李為一物莫即郁李莫郁同
如櫻桃曰莫可見常棣莫郁李為一物與蒲栒不相涉
本草續添郁李一名車下李時珍因之亦誤也晉宣室
閣名曰華林園中有車下李三百十四株莫李一株明
車下李與郁李自為兩物也常棣或作棠棣筆畫誤爾
馮嗣宗鄧潛谷分為二物非也總之以白楊誤為唐棣
沈存中辯之甚明以櫻莫為郁李其誤更細棣高不過
五六尺紅而重出者名錦帶白而單出者結實如小李

同時熟其大僅如櫻萸故謂郁李又曰雀李也七月詩所謂萸即櫻萸也蔓生類蒲萄六月熟甌越諺曰櫻萸孰食新粥存中誤以此為郁李失之矣智近見吳中刻詩疏廣要反主馮嗣宗說是智一言斷之常棣之華鄂不韡韡鄂不即萸萸惟郁李花連蒂放苞方與韡韡之稱合若白楊之扶移有何花可稱而曰偏其反乎所以誤者韓詩篇名夫移藝文類聚引夫移之華則因爾雅之移棣加夫為口詞而白楊之蒲移一作扶移故相混

耳郝氏直解常棣為梨亦誤戴氏曰常棣唐棣棠棣特
一物爾猶夫移扶移蒲移之為一物也自爾雅分棠棣
常棣為二物遂啟後誤此說有理又曰棠則嘉慶海棠
來禽之類此非也沈立海棠記曰李贊皇言外國來者
以海名之中國有甘棠赤棠而海棠則後加名者嘉慶
則李別種也東璧以山蒲萄為萋萋乃是蘇恭所說千
歲蘂之萋萋東璧乃黜蘇而謂萋萋藤研斷通氣智謂
蒲萄藤本通氣人以充木通則此直是蒲萄別種耳非

六月食之莫也刊謬正俗曰言陶弘景以蓂莫為蒲萄
北土兼有嬰奧斯則謂豳風之莫也山海經太室山有
木葉如梨赤莖曰栳李殆郁李也蘇武移中監古今注
以為移楊則白楊也

棹柿綠柿即漆柿也

棹柿同類柿

枉紙韻

實赤而棹烏

綠故謂烏棹

音疲

以染罽扇曰柿漆其牛奶柿則梔遷子

也柯古言柿有七絕陸文裕曰今清化之異柿衢州之
橘田皆異他產饒信之間柏亦異冬初葉落結子放蠟

作十字裂若梅花柿有紋稜者治癰最神本草音柿

覽

謂以鹽漬之今見嶺南大烏欖以鹽漬之亦呼欖柿

梅柎古有異名時英則今之梅花也 孫炎曰荊州曰

梅揚州曰柎智按今無此稱蜀志曰蜀名梅為蓀此因

禮記而言也其實凡乾果皆可曰蓀後漢長沙王勰草

為蓀是也西京雜記上林苑有燕梅侯栗梅馮嗣宗

謂即詩之侯栗侯梅此誤矣侯發聲也爾雅三釋梅時

英梅注以為雀梅似梅而小者也智以時英正言梅花

之梅與標梅同蓋古梅作某而柎則名梅故又曰梅柎
其曰杙繫梅則山查糖毬也說文既以梅為酸又謂梅
柎為可餐誤矣

檇梓皆榛也榛實當作棗 蜀都賦檇栗罅發檇與榛
同鄭玄曰廊坊多故从秦非也秦辛皆聲說文棗果也
榛木也引左傳女摯不過棗栗或欲別于榛楛耳馮嗣
宗曰諸家所云莖既似櫟子又如籽兩榛俱有實如栗
今之榛實並與栗胡桃不同此諸家不善說物蓋謂如

真栗之至小者耳今以塞外之栗與雲南之栗為美並呼為榛南方諸志且作蓊栗而樹更高何得曰不似櫟邪嶺表錄異曰核桃出畢占國仁似新羅松子味元美亦云巴旦杏不堪食而仁甘于榛鬆于榧嗣宗獨何疑胡桃之不足以比栗子味乎

栲栳小栗樹也一曰櫟爾雅栲栳郭注如櫛櫛而庠小子如細栗今江東呼為栲栗則今之芋栗也上林侯栗柯栗皆其類也古人稱榛似栗棘實圓尖蓋非一種

俗所云圓楮栗即栲也沈存中以莊子狙公賦芋為芋
栗韻書楸芋栗也趙魏間栗小者曰楸

菽蝟栗房駭栗房綻也房之中顆曰栗楔東觀書曰

駭栗蓬轉栗房破也埤雅曰栗有菽蝟自襄夏小正八
月栗零栗熟自零也栗莫大于紹興諸暨大有過于拳
者沈約傳言豫州獻栗徑寸半此猶小矣六朝僑立豫
州不過在江北江北今無此大栗想亦郵致者耳西京
雜記上林栗有四種嶧陽都尉所獻大如拳三秦記云

御宿園出栗大如梨宜春下苑有梨園梨甚大洞冥記
塗山梨大如斗凡言外域果實大者甚多且非本物如
言棗大如瓜則火蕉之實非棗也

平仲銀杏也 一名檉一名火橐木白果葉如鴨脚宋
初八貢永叔有詩紀之初唐沈佺期詩芳春平仲綠清
夜子規啼左太冲吳都賦楛櫟平仲注劉成曰平仲之
木其實如銀故無功決之上林賦華汜檉櫟五臣注引
郭璞曰檉平仲木汜當作楓六臣本檉作枰

君遷子栲棗也 司馬溫公名苑云君遷子似馬奶即

今牛奶柿也以形得名崔豹曰牛奶柿即栲棗葉如柿

而小綱目合而一之陳無功亦引溫公名苑又引魏王

花木志君遷樹似甘蕉子如馬乳一曰子如瓠形不花

而實子從皮出此則是古度樹與溫公所說牛奶柿殊

矣按子虛賦有栲棗注栲音棗也東璧楨棗條亦載廣

志栲棗則栲棗即栲棗西京雜記列栲棗于棗類非也

離支荔枝也 上林賦荅檉離支史記作搭檉荔枝荔

本為馬蘭辟荔合溪敬甫俱云从荔三刀荔乃協也其實無此字但以力得荔音以附離為義也荔支閩為上廣次之蜀又次之興化十八娘增城黑葉皆核小肉滿如水晶而香成都所無也舊說蜀在廣上豈古今風土殊變邪龍眼真荔奴矣黃圖載扶荔宮宮以荔枝名漢武時自交趾移植百株于庭無一生者連年移植一株稍茂終無華實一旦萎死守吏坐誅遂不復時矣後漢安帝時交趾守陳其弊遂罷今按孝和帝紀載南海獻

龍眼荔枝十里一置五里一候臨武長唐羌上狀得報
非安帝時也人皆艷記明皇時一騎紅塵耳孟竒笑顧
文薦負暄錄以龍眼為荔枝而元李京雲南志言土獠
以採荔枝為業則以為馬荔之枝此又何邪其曰荔實
者乃蠹實也所云馬蘭掃帚也一名豕首房中詩宵窠
桂華都荔遂芳注謂草木芳茸之貌今陽朔縣主山名
都荔山以荔枝得名

來禽即林檎也頻果曰頻婆言相思也菴羅林禽乃柰

之種 荅選似李即柰也九月熟如小橙右軍帖來禽
日給皆囊盛為佳果古來音近離離林聲相訛耳日給
沙果也味甘來衆禽者強矣東壁曰即文林即來禽廣
志曰林檎北人呼為頻婆此非也時珍則以頻婆為柰
按左安門外韋彪寺有頻婆樹三里有柰子樹頻花紅
于柰花非一物也宛委曰頻婆相思也即今北方頻果
智按嶺表別有頻婆子非頻果也實紅色如肥皂核如
栗煨熟之與栗同潛谷言大而長者為柰圓者林禽菴

摩羅大于林擒小者柀一蒂十五實或七實乃大柀也
張掖有白柀酒泉赤柀西方多柀張載詩稱之

杏仁曰巴旦乃大宛種也 今京師稱巴旦杏仁而不
知其故按荅烈古大宛也有蒲萄巴旦杏永樂七年麼
賚等朝貢

南威味諫皆橄欖名吳曾言有五種羅晃餘甘則其似
者也 太平廣記橄欖名南威吳錄地里志高涼安寧
縣餘甘初苦後甘山谷詩注餘甘一名味諫今稱諫果

元美言餘甘子梭形疑是橄欖則未見之故也餘甘之名正言回味也升菴言有餘甘子煎廣州記木威子如橄欖而堅酉陽雜俎云珠崖橄欖獨抱枝東向日木威南向曰橄欖吳時歲貢本朝自泰康後亦如之周益公言餘甘子或號菴勒吳曾言橄欖有五種一丁香欖二故欖三蠻欖四新婦欖五絲欖范成大言有烏欖方欖或三角四角羅晃子如橄欖皮七重智按何子元稱青子今江南呼青果自閩來者小而香入沸水中色淡碧

入廣如法泡之色黃味不香乃知皆餘甘子木威之種也大者曰欖柿即絲欖尤可厭取欖者鑿樹以鹽納之其欖盡落張孟竒辯餘甘子為油柑子說文棧遯其也箋曰與欖同即檄棧則山海經堂庭山之棧亦欖邪郭璞云實似柰亦可食

木腰有二種 西寧粵中猪肉子即元美所云肉樹也智寓德慶州久嘗過東安南鄉食所謂猪腰子正如腰子合六瓣成一毬如瓜切而蒸食之一種如大鷲卵焗

乾壓匾土人以作鑰牌曰猪腰子性可已癰即開竇所
言象豆藤楹子也元美言侯騷即簡子合蠡齋言之蠡
齋如不納子人面子彈丸類者而侯騷見酉陽雜俎與
廣志乃蔓生子如雞卵洱河紀事以為猪腰子非矣猪
腰木本所生

水松水杉也 閩廣海塘邊皆生之如鳳尾杉又如松
其根浸水生鬚如赤楊范至能言有石梅石柏生海中
乃小如鐵樹非此種也

石帆今之鐵樹也 鐵樹生海底出水即堅高尺餘色如鐵太冲賦草則石帆水松是也七修類稿言粵西鐵樹有忽開花者乃別一種也

檜牡桂非木犀之桂也

爾雅檜

音侵

木桂葉似枇杷而

大嵇含曰桂出合浦冬夏常青自為林交趾置桂園有三種葉如柏皮赤者為丹桂似柿葉者為菌桂葉似枇杷者為牡桂智以此木桂即牡桂大觀本草空紛紛矣今出潯州三四月花全類茱萸九月成實檜木如石榴

四月華又有巖桂乃菌桂之類菌桂一曰筒桂以其皮嫩而卷成筒醫所用肉桂桂心皆版桂也尸子言桂春華秋英正謂此南越獻桂蠹亦桂之蠹也不知後人乃以木犀花為桂木犀八月黃華亦有四季丹花者李衛公言詩稱桂花秋耐日張曲江詩桂花秋皎潔智按漢房中詩窻窻桂華潯州之桂豈植于長安邪或古通稱木犀為桂平臺莊漫錄曰木犀花湖南九里香江東曰巖桂浙人曰木犀王以寧周士有聞九里花香詩本草

有九里香乃草也今兩廣復有九里香樹六七月白花似柚花香非木犀也宋人動稱檜花似又以檜為木犀老學菴筆記言亳州太清宮檜至多檜花時蜂多曰檜花蜜歐陽守亳詩曰蜂采檜花村落香若檜枯之檜又安有花可玩乎王會曰自深桂山海經曰招搖之山多桂

花奴王蒸嶺南謂之扶桑花即椴木槿也 郭注爾

雅白曰椴

音段

赤曰椴齊魯謂之王蒸時珍引作玉蒸詩

稱舜華故又作舜兩廣總呼扶桑有數色草木狀名日
及或作日給抱朴子潘尼謂之朝菌升菴以為佛桑花
其重臺者永昌名花上花

伏牛正今之虎刺也 蘇頌曰伏牛似黃檗葉莖有刺
蓋謂似小檗也小檗葉有齒刺但虎刺小耳睦州上虎
刺云凌冬不凋今吳人種之為玩生紅實雁宕至多平
西徭中有極大者

南方草木狀所言楓人即占斯楓柳也 楓上占斯曰

楓柳占斯者寄生也博物志占斯李當之云是樟樹上寄生愁舍曰楓久有瘤一夕雷雨其樹贅暗長三尺曰楓人越巫取之作術舊說泥之致雨

豫樟香樟釣樟 豫樟生七季而辯名木最大而香潔理有文章江右以此名郡釣樟烏樟鄭漁仲曰釣樟即爾雅榆無疵

禁婁無患子也 今以為患子念珠分銅患鐵患言其色也崔豹言此木厭鬼故曰無患時珍以為即菩提子

然今菩提子與患為二物蓋薏苡珠也薏苡一名薏珠
其仁曰解蠱其苗曰芑有一種稷穢者止可為念珠即
今菩提子矣又有番菩提則車旋枕椰子雞心檳榔而
名之耳元豐九域志象州歲貢楸子念珠十串成式續
集曰淫耗用此木制鬼升菴引作瑤旼本草作旼闡此
以聲譯耳大理府有念珠樹每穗實百八枚

飛穰佛手柑也 即枸櫞也無功引鈕湣母孫瓊與定

夫人書此中果有胡桃飛穰出自南州胡桃本生西羌

外剛內柔柑質似古賢欲以奉貢藝海洞酌云飛穰一
名佛手柑

紅桂即莽草 續談言莽草世用多殊本草言誤今莽
草圓密葉光厚而香烈花紅色大小如杏花六出反卷
向上心有新紅葢倒垂下滿樹垂動襄漢間漁人採以
搗飯飼魚皆翻上乃撈取之南人謂之石桂白樂天有
廬山桂詩唐人謂之紅桂以其花紅也李德裕詩序曰
龍門敬善寺有紅桂樹乃是蜀道莽草徒得佳名但毒

魚而已掌禹錫以爾雅蒨春草即茵草蒨乃白薇今綱目作茵草乃篆网加草耳一曰鼠莽宗奭曰周禮以茵草薰蟲如石南葉揉之其臭如椒蘇頌曰藤生亦是臆度又有茵芋亦相似別錄一名卑共

檉子即不灰之木也 東方朔神異經言火山有不燼之木有火鼠水經注引齊地記曰盧水側有勝火木方俗音曰檉子其木炭不滅即方朔云不灰之木也又徐無山有不灰之木色黑似炭而無葉有赤石磨之則火

發以然不灰之木可以終身即瑛自言得不灰木須石
腦油塗之始然智見北京小爐瑩白火煉不壞見水則
靡是不灰木所造

枸櫞今之猫刺也 顧野王曰枸櫞木中箭謂其有刺
今此樹到處有之曰猫頭刺冬不凋大者可充黃楊製
器時珍言狗骨與冬青相亂枸櫞葉長四方而有八稜
稜有刺與冬青遠甚若云冬不凋不凋者多矣

茶即茶皋盧苦苳也 以茶之美而古人不一及邪升

菴曰誰謂茶苦其甘如薺即茶信然但未發明古音家
麻入魚模耳如家為姑衙為予野為暑下為戶之類余
音韻中論之詳矣茶改从木以別之漢地理志長沙有
茶陵注師古曰茶音式奢反即今之茶陵或曰茶之名
見于王褒僮約蓋未讀爾雅耳爾雅有五詩用三焉管
茅之華曰茶既夕禮茵著用茶周官茶人掌聚茶以共
喪事鄭玄曰茅秀也詩有女如荼吳語吳王白常白旗
白羽之繪望之如荼言白茅花輕而白也亦為荼毒之

茶詩堇茶如飴又曰以薺茶蓼注云苦菜或曰苦藜非
苦苣也三則今之茗又有荼虎杖荼委葉亦與茶通爾
雅曰檟苦茶茶經一曰茶二曰檟三曰設音設四曰茗五

白苻古取為飲鴻漸至今方精耳合溪取集韻之椈今
廣東賣棺者以椈木為上此乃大木何得以為茶邪廣
人又飲苦苻茶按皋蘆葉苦平南越志曰龍川縣出皋
蘆葉葉大而溢南海謂之過羅今呼為苦苻苻見廣韻
綱目作荅又按硯北雜志李仲賓學士言交趾茶如綠

苔味辛烈名之曰登范石湖集曰修江出藥茶治頭風
蓋石楠樹葉也毛文錫茶譜云湘人四月采楊桐汁作
飯則必采石楠芽作茶乃能去風故知范說藥茶指此
蜜香一樹八香恐亦酉陽雜俎一樹五香也 南方草
木狀曰交趾蜜香樹一樹八香木心為沈香與水面平
為雞骨香根為黃熟香幹為棧香細枝為青桂香根節
輕而上者為馬蹄香花下成實為雞舌香今以母丁香
為雞舌智按沈速色黃故稱黃熟熟速聲近東莞馬蹄

岡香亦名之東莞張萱云取各香花與白木香封而暴之曰薰香宋葉寘論香品廣吳氏薰香獲富遂名吳香佛山估曰東莞香生一二十年截其幹留旁葉枝封以淤泥朽自外沁其形如牙曰牙香不製過曰生香應賈急與香共蒸之曰黃熟槌之重而有聲者佳其發青者淋頭中黑點也又有通體黃色并無黑焰此自內朽似乎不堅而多脂更覺甜渥此種難辯號曰選香妙于沈水沈香貴瓊洋香燒之味酸伽楠貴洋而瓊為上伽楠

矣郎瑛曰潘希曾使安南其國作奇藍星槎勝覽作棋
楠洪洲載瓜哇占城貢奇南香又見金樓子及俞益期
云扶南人一木五香則知段成式為此所誤

雞舌香即今丁香也 段成式云一木五香根旃檀節

沈香花雞舌葉藿膠薰陸此謬甚矣旃檀與沈香兩木
今藥品藿香自是草葉薰陸小木而大葉海南薰陸乳
頭乃其膠也五物皆非存中筆談第二十六卷曰子集
靈苑方論雞舌香以為丁香母今考齊民要術曰雞舌

香似丁子故名丁子香日華云三省郎官日含雞舌香
正謂丁香治口氣又古方五香連翹湯用雞舌香千金
方五香連翹湯內無雞舌卻有丁香此最明驗本草又
出丁香一條未深考也今世雞舌香乳香中得之大如
山茱萸剉開中如柿核治疾殊謬陸務觀筆記笑存中
不見齊民要術以陸未全閱筆談也

乳香即薰陸也 本名薰陸以其滴下如乳頭曰乳頭
香鎔塌地上者曰塌香如臘茶之滴乳白乳豈分二物

總因本草收雜俎之誤洪芻曰薰陸名羅香乳香最明
者的乳次曰棟香又次曰瓶香乳之至細曰香纏

篤耨亞悉龍涎迷迭艾納西國香也 古樂府曰行胡

從何方列國持何來輶毳毳五木香迷迭艾納及都
梁五木香即今廣木香迷迭出大秦國魏畧云文帝自
西域移植庭中同子建應瑒等賦排草類也艾納出西
國如細艾陳藏器言有耕香出烏許國亦排草類不知
即迷迭否東坡詩憑伏幽人收艾納國香和雨入青苔

此謂松藹也外國之藹或亦外國之樹苔乎又嶺南檳榔木上亦有艾藹合泥香燒之能發香今撒馬兒罕即漢屬賓也有渴石迭里迷諸城迷迭因此名乎篤耨一作篤耨篤祿張子賢曰宣和重異香有篤耨龍涎亞悉金顏雪香褐香軟香之類篤耨有黑白二種白者曰瓠香以瓠壺盛之泊宅編載市舶張苑進篤祿香得學士時號篤祿學士亞悉或曰烏香蓋今之唵叭也本草作膽八香金顏香今真臘國所產褐香軟香今之貢香類

也按外貢考占城貢金銀香即金顏香也兜末香漢武
故事曰兜渠國獻大如豆塗宮門香聞十里此未足信
大約與蘇合安息皆樹汁也龍涎有嶼在花面國傍獨
立南海中彼人言于樹收之最收香氣今大內甜香用
之唐稱雜馥練香亦此類也香譜竟無篤耨亞悉褐香
諸名陸文裕曰栝松百年皆有白衣如粉吾鄉錢鼎先
生號艾蒟蓋取諸此

箋香即馘香今作棧香

香譜曰馘香亦沈香類桂海


志作箋香魯應龍括異志言華亭黃翁以柏枝藤頭假
箋香片子南方草木狀作棧徐渭曰李賀詩練香薰宋
鵲練香合香也陳後主施智者禪師有薰陸黃屑唐貢
有黃屑蓋香之細者陳藏器曰黃屑從西南來冰作屑
染黃用之樹如檀主破血治目黃

波律或作婆律即今之冰片也 酉陽雜俎云龍腦香
出波律國乾脂曰龍腦香清脂曰波律膏香譜誤分兩
條智按張邦基自製鼻觀香楨楂液漬水沈屑加婆律

一錢人不知其解蓋即波律也今廣舶來者以梅花片為上偽者升韶州樟腦為之西域記云羯布羅香折木之中有香乾之色如冰雪即龍腦香又有色近赤者名父婆律婆律又為凝塊之名

流螺臍曰甲香 洪芻云甲香唐本草蠹類生雲南如掌南人亦煮其肉啖今合香多用能來香烟南州異物志云甲香大者如甌蘇頌云海螺即流螺臍曰甲香述異記有龜甲香乃桂香之善者非此物也魏泰記漢宮

香方鄭康成注沈水二十四銖著石蜜複湯鬻以指嘗
試能飲甲則已注云南海賈胡貴一種香木末如蜜房
色澤正黃可減甲然則甲香者煮香時用以凝合發香
者也飲甲者湯汁凝于甲上不脫也成大言擯榔艾納
功同甲香唐人謂之甲煎義山詩沈香甲煎為庭燎葳
器曰甲煎以藥及美果花燒灰和蠟治成可作口脂



通雅卷四十三